





志卷第七十四

宋史一百二十一

開府儀同三司桂國錄軍國事兼右丞相修國史領經筵事都總裁朕躬等奉

勅修

禮二十四軍禮

禡祭田獵

闕武打毬

受降抹日伐鼓

獻俘

禡師祭也宜居軍禮之首講武次之受降獻俘又次之田獵以下亦各以類附焉軍前大旗曰牙師出必祭謂之禡後魏出師又建纛纛頭旗上太宗征河東出京前一日遣右贊善大夫潘慎修出郊用少牢一祭蚩尤禡牙遣著作佐郎李巨源即北郊望氣壇用香



三百五十字  
柳枝燈油乳粥酥蜜餅果祭北方天王咸平中詔太  
常禮院定禡儀所司除地爲壇兩壝繞以青繩張幄  
帟置軍牙六纛位版版方七寸厚三分祭用剛日具  
饌牲用太牢以羊豕代其幣長一丈八尺軍牙以白  
六纛以皂都部署初獻副都部署亞獻部署三獻皆  
戎服清齋一宿將校陪位禮畢焚幣擊鼓以一字又  
擇日祭馬祖馬社

閱武仍前代制太祖太宗征伐四方親講武事故不  
盡用定儀亦不常其處設講武池朱明門外以習水  
戰復築講武臺城西楊村秋九月大閱與從臣登臺

觀焉真宗詔有司擇地含輝門外之東武村爲廣場  
馮高爲臺臺上設屋構行宮其夜三鼓殿前侍衛馬  
步諸軍分出諸門詰旦帝乘馬從官並戎服賜以窄  
袍至行宮諸軍陣臺前左右相向步騎交屬亘二十  
里諸班衛士翼從于後有司奏成列帝升臺東向御  
戎帳召從臣坐觀之殿前都指揮使王超執五方旗  
以節進退又於兩陣中起候臺相望使人執旗如臺  
上之數以相應初舉黃旗諸軍旅拜舉赤旗則騎進  
舉青旗則步進每旗動則鼓馘士譟聲震百里外皆  
三挑乃退次舉白旗諸軍復再拜呼萬歲有司奏陣



四百个字  
堅而整士勇而厲欲再舉詔止之遂舉黑旗以振旅  
軍於左者略右陣以還由臺前出西南隅並凱旋以退乃召從  
略左陣以還由臺前出西南隅並凱旋以退乃召從  
臣宴教坊奏樂回御東華門閱諸軍還營鈞容奏樂  
於樓下復召從臣坐賜飲明日又賜近臣飲於中書  
諸軍將校飲於營中內職飲於軍器庫諸班衛士飲  
於殿門外神宗閱左藏庫副使开斌所教牌手於崇  
政殿乃命殿前步軍司擇驍健者依法教習自是營  
屯及更戍諸軍畿甸三路民兵皆隨仗藝召見親閱  
焉凡閱試禁衛戍軍民兵總率第其精拙賜以金帛

而起等高者至命為更選官其典領者須以加職秩涇  
原經略蔡挺肄習諸將軍馬點閱周悉以伍有法入  
為樞密副使因言於上而引試之舊以七軍營陣校  
試而分數不齊前後牴牾命校試官采撥定為八軍  
法及軍法成頒行諸路既又定九軍法以一軍營陣  
即城南好草坡閱之皆有賞賚其按閱砲塲連弩及  
便坐日閱召募新軍時令習戰如故事建炎三年六  
月高宗諭輔臣曰朕欲親閱武宰臣呂頤浩曰方右  
武之時理當如此祖宗時不忘武備如鑿金明池益  
欲習水戰張浚曰祖宗每上巳游幸必命衛士馳射



因而激賞亦所以講武也帝曰朕非久命諸將各閱所部人馬當召卿等共觀足以知諸將能否後以巡幸不果行紹興五年正月始御射殿閱諸班直殿前司諸軍指教使臣親從宿衛親兵并提轄部押親兵使臣射射共一千二百六十人每六十人作一撥遂詔戶部支金千兩付樞密院激賞庫充犒用三月御射殿閱等子趙青等五十人角力轉資支賜錢銀有差八月御射殿閱廣東路經略司解發到韶州士庶子弟陳裕試神臂弓特補進武校尉賜紫羅窄衫銀束帶差充本路經略司指使十四年十一月閱殿前

馬步軍將士藝精者賞有差自是歲以冬月行之

號曰冬教三十年十月御射殿引三衛統制同統

制統領同統領入內射射詔餘合赴內殿教人依

年例支降例物令逐司自行按試等第給散舊例

每歲引三衛官兵教是日三十二年四月二十五

日御射殿隔門特坐引呈新舊行門射射乾道二年

十一月幸候潮門外大教場次幸白石教場應從駕

臣僚自祥曦殿並戎服起居從駕往回內管軍御帶

環衛官從駕宰執以下免從就逐幕次賜食候進晚

膳畢免奏萬福并免茶從駕還內二十四日幸候潮



字百小四百字  
門外大教場進早膳次幸白石教場閱兵三衙率將  
佐等導駕詣白石皇帝登臺三衙統制統領官等起  
居畢舉黃旗諸軍皆三呼萬歲拜訖三衙管軍奏報  
取旨馬軍上馬打圍教場舉白旗三司馬軍首尾相  
接舉紅旗向臺合圍聽一金止軍馬各就圍地作圓  
形排立射生官兵隨鼓聲出馬射獐兔一金止疊金  
射生官兵各歸陣隊舉黃旗射生官兵就御臺下獻  
所獲帝遂慰勞賜賚諸將鞍馬金帶以及士卒諸軍  
懽騰鼓舞就列百姓觀者如山時夕陰晴暫帝出郊  
雲霧解駁風日開霽為是時上管殿前司王琪等曰

前日之教師律整嚴人無不謹器分合應度朕甚悅之  
皆卿等力也琪等曰此陛下神武之化六軍恭謹所  
致臣願得以此為陛下初絕姦宄四年十月殿前司  
言相視龍王堂北江岸以東茅灘一帶平地可作教  
場已修築將壇將來三司馬步軍並各全裝披帶衣  
甲執色器械至日先赴教場下營排辦俟駕登臺聽  
金鼓起居畢依資次變陣教閱所有聖駕出郊除禁  
衛外欲於本司入陣馬軍內摘差護聖馬軍八百人  
騎弓箭器械作十六隊於儀衛前後引從各分八隊  
隊各五十人往回公路各奏隨軍鼓笛大樂及摘差



四百字  
本司入教陣隊內諸軍步親隨一千人并統領將官  
三員至日先赴將臺下各分左右於後壁周圍留空  
地三十步以容禁衛外作三重環立十六日車駕至  
灘上諸軍人馬前一日於教場東列幕宿營是日三  
衙管軍與各軍統領將佐導駕乘馬至護聖步軍大  
教場亭更御甲冑至灘上皇帝登臺三衙起居畢權  
主管殿前司王逵奏三司人馬齊舉黃旗諸軍呼拜  
者三逵奏請從頭教中軍鳴角倒門角旗出營馬步  
軍簇隊成收鼓訖連三鼓馬軍上馬步人撮起旗槍  
四鼓舉白旗中軍鼓聲旗應變方陣為備敵之形別

高一鼓步軍四向作禦敵之勢且戰且前馬車出陣  
作戰鬪之勢別高一鼓各分歸地分五鼓舉黃旗變  
圓陣為自環內固之形如前節次訖三鼓舉赤旗變  
銳陣諸軍相屬魚貫斜列前利後張為衝敵之形亦  
依前節次訖王逵奏人馬教絕取旨舉青旗變放教  
直陣收鼓訖一金止重鼓三馬軍下馬步人齧落旗  
槍皆應規矩帝大悅犒賞倍之士卒歡呼謝恩如儀  
鳴角聲簇隊訖放教拽隊步人分東西引拽馬軍交  
頭於御臺下隨隊呈試驍銳大刀武藝繼而進呈車  
砲火砲煙槍及楮山打圍射生馬步軍統制官蕭鵬巴以







傳旨不拜舍人承旨贊不拜贊就坐第五蓋宣贊如  
 第四蓋儀酒食畢舉御茶床舍人分引宰執於帷致  
 重行立御藥傳旨不拜舍人承旨訖揖宰執躬身贊  
 不拜各祇候直身立降階道歸幕次皇帝起乘馬至  
 車下院下馬皇帝出帷至車下院門樓上出賜親王  
 酒再拜謝訖次賜使相正任并管軍知閣御帶環衛  
 官酒訖逐班再拜謝訖依舊向立次親王執蓋進皇  
 帝酒院門樓歸陞親王以下退皇帝乘馬出車下院  
 車行門禁衛等迎駕奏萬福皇帝乘馬至候潮門外  
 大教場應從駕官並戎服乘馬從駕回皇帝乘  
 馬入和寧門至祥曦殿上下馬還宮餘做此

四年十二月大閱于茅灘十年十一月大閱于龍山  
 十六年十月大閱于城南大教場並如上儀慶元元  
 年十月以在諒闇令宰執於大教場教閱二年十月  
 大閱于茅灘嘉泰二年十二月幸候潮門外教場大

閱端平二年四月大閱以時暑不及行

受降獻俘太祖平蜀孟昶降詔有司約前代儀制為

受降禮昶至前一日設御坐仗衛于崇元殿如元會

儀至日大陳馬步諸軍于天街左右設昶及其官屬

素案席褥于明德門外表案于橫街北通事舍人引

昶及其官屬素服紗帽北向序立昶跪奉表授閣門

使復位待命表至御前侍臣讀訖閣門使承旨出昶

等俯伏通事舍人掖昶起官屬亦起宣制釋罪昶等

再拜呼萬歲衣庫使導所賜襲衣冠帶陳於前昶等

又再拜跪受改服乘馬至昇龍門下馬官屬空啓運



三百九十五  
門下馬就次帝常服升坐百官先入起居班立閣門使引昶等入舞蹈拜謝召昶升殿閣門使引自東階升宣撫使承旨安撫之昶至御坐前躬承問訖還位與官屬舞蹈出中書率百官稱賀遂宴近臣及昶于大明殿嶺南平劉鋹就擒詔有司撰獻俘禮鋹至上御明德門列仗衛諸軍百官常服班樓前別設獻俘位于東西街之南北向其將校位於獻俘位前北上西向有司率武士係鋹等白練露布前引至太廟西南門鋹等並下馬入南神門北向西上立監將校官次南立俟告禮畢於西南門出乘馬押至太社如上

儀乃揖至樓南御路之西下馬立俟獻俘將校戎服帶刀攝侍中版奏中嚴百官班定版奏外辨帝常服御坐百官舞蹈起居畢通事舍人引鋹就獻俘位將校等詣樓前舞蹈訖次引露布案詣樓前北向宣付中書門下如宣制儀通事舍人跪受露布轉授中書門下轉授攝兵部尚書次攝刑部尚書詣樓前跪奏以所獻俘付有司上召鋹詰責鋹伏地待罪詔誅其臣龔澄樞等特釋鋹縛與其弟保興等罪仍賜襲衣冠帶鞞笏器幣鞍馬各服其服列謝樓下百官稱賀畢放仗如儀南唐平帝御明德門露布引李煜及其



四百八  
子第官屬素服待罪初有司請如獻劉鋹帝以煜奉  
正朔非若鋹拒命寢露布弗宣遣閤門使承制釋之  
太宗征太原劉繼元降帝幸城北陳兵衛張樂宴從  
臣於城臺繼元帥官屬素服臺下遣閤門使宣制釋  
罪召繼元親勞之從臣詣行宮稱賀時以在軍中故  
不備禮繼元至京師詔告獻太廟前一日所司陳設  
如常告朝儀告日黎明博士引太尉就位通事舍人  
引繼元西階下東向立其官屬重行立贊者贊太尉  
再拜訖博士引就盟爵如常儀詣東階解劔脫烏升  
第一室進奠再拜太祝跪讀祝文訖又再拜通事舍

人引繼元及官屬詣室前西階下北向立舍人贊  
皇帝親征收復河東偽主劉繼元及偽命官見贊者  
曰再拜訖退位次至第二第三第四第五室皆如第  
一室博士引太尉降階佩劔納履復位贊者曰再拜  
太尉與繼元等皆再拜退焚祝版於齋坊繼元既命以  
官故不稱俘焉元符二年西蕃王攏揆邈川首領瞎  
征等降詔具儀注以受降日御宣德門設諸班直上  
四軍仗衛諸軍素服陳列降者各服蕃服以見審問  
訖有旨放罪各等第賜首服袍帶百官稱賀而再御  
紫宸殿賜宴會新宗崩樞密院留擺撥等西京聽旨



四百一  
詔罷御樓立仗但引見于後殿攏撈一班契丹公主  
一班夏國回鶻公主次之賸征一班邊廝波結并族  
屬次之應族屬首領各從其長以次起居僧尼公主  
皆蕃服蕃拜並賜冠服謝訖賜酒饌橫門外政和初  
議禮局上受降儀皇帝乘輿升宣德門樓降輿坐御  
幄百官與降王蕃官各班樓下如大禮肆赦儀東上  
閣門以紅條袋班齊牌引升樓樓上東上閣門官附  
內侍承旨索扇扇合帝即御坐簾卷內侍又贊扇開  
侍衛如常儀諸班親從并裏圍降王人等迎駕自贊  
常起居次舍人贊執儀將士常起居次管幹降王使

臣并隨行舊蕃官常起居次禮直官舍人引百官橫  
行北向贊者曰拜在位官皆再拜舞蹈三稱萬歲又  
再拜班首奏聖躬萬福文再拜退百官各就東西位  
舍人引降王服本國衣冠詣樓前北向女婦少西立  
僧又少西尼立於後入內省官詣御坐前承旨傳樓  
上東上閣門官承旨錄訖以紅條袋降制樓下東上  
閣門官承旨退降王以下俯伏東上閣門官至令通  
事舍人掖之起首領以下皆起鞠躬閣門宣有敕降  
王以下再拜僧尼止躬呼萬歲閣門錄敕旨付管幹  
官降王等躬聽詰問如有復奏閣門錄訖仍以紅條



四節 一  
袋引升樓如無復奏入內省官詣御坐承旨傳樓上  
閣門官稱有敕放罪訖舍人贊謝恩降王以下再拜  
稱萬歲復序立入內省官詣御坐承旨傳樓上閣門  
官稱有敕各賜首服袍帶樓下閣門官承旨引所賜  
褥床陳于西舍人宣曰有敕降王以下再拜鞠躬舍  
人稱各賜某物賜物畢又再拜稱萬歲若賜官即贊  
謝再拜並歸次易所賜服舍人先引降王以下至授  
遙郡以上當樓前北向東上立贊再拜稱萬歲又再  
拜次贊服冠帔婦女再拜僧尼別謝引還次贊樓上  
侍立官稱賀再拜禮立官舍人分引百官橫行北向

立贊拜訖班首少前俛伏跪稱賀其詞中書隨事撰  
述賀訖復位在位者又再拜舞蹈三稱萬歲又再拜  
東上閣門官進請樓前承旨就班首宣曰有制贊者  
曰拜在位官皆再拜宣答其詞學士院隨事撰述又  
贊再拜三稱萬歲又再拜樓上樞密院前跪奏稱某  
官臣某言禮畢因侍索扇扇合簾垂帝降坐內侍贊  
扇開所司承旨放仗樓下鞭鳴百官再拜退開禧三  
年三月四川宣撫副使安丙函逆臣吳曦首并違制  
初造法物所受金國加封蜀王詔及金印來獻四月  
三日禮部太常寺條具獻誠典故俟逆曦首函至日



四百一  
臨安府差人防守殿前司差甲士二百人同大理寺  
官監引赴都堂審驗奏獻太廟別廟差近上宗室南  
班奏獻太社太稷差侍從官冬前一日赴祠所致齋  
至日行奏獻之禮大理寺殿前司計會行禮時刻監  
引首函設置以俟奏獻禮畢梟於市三日付大理寺  
藏於庫端平元年金亡四月京湖制置司以完顏守  
緒函骨來上差官奏告宗廟社稷如儀

田獵太祖建隆二年始校獵于近郊先出禁軍為圍  
塲五坊以鷲禽細犬從帝親射走兔三從官貢馬稱  
賀其後多以秋冬或正月田於四郊從官或賜窄袍

煥躡親王以下射中者賜以馬太宗將北征因閱武  
獵近郊以多盜獵狐兔者命禁之有衛士奪人俸當  
死帝曰若殺之後世必謂我重獸而輕人特貫其罪  
帝常以臘日校獵諭從臣曰臘日出狩以順時令緩  
轡從禽是非荒也回幸講武臺張樂賜群臣飲其後  
獵西郊親射走兔五詔以古者蒐狩以所獲之禽薦  
享宗廟而其禮久廢今可復之遂為定式帝雅不好  
弋獵詔除有司行禮外罷近甸游畋五方所畜鷹犬  
並放之諸州不得以鷹犬來獻已而定難軍節度使  
趙保忠獻鵠一號海東青詔還賜之臘日但命諸王



四百一  
略畋近郊而五坊之職廢矣真宗復詔教駿所養鷹  
鷂量留十餘以備諸王從時展禮禁園草地許民耕  
牧至仁宗時言者言校獵之制所以順時令訓戎事  
請修此禮於是詔樞密院奏定制度獵日五鼓帝御  
內東門賜從官酒三行奏鈞容樂幸瓊林苑門賜從  
官食遂獵于村宴于惺殿奏教坊樂遣使以所獲  
馳薦太廟既而召父老臨問賜以飲食茶絹及五坊  
軍士銀絹有差宰相賈昌朝等曰陛下暫幸近郊順  
時田獵取鮮殺而登廟俎所以昭孝德也即高原而  
閱軍實所以講武事也

勞田夫而賜惠所以勸農也乘輿一出而四美皆具  
伏望宣付史館從之明年復獵於城南東韓村自玉  
津園夫輦乘馬分騎士數千為左右翼節以鼓旗合  
圍場徑十餘里部隊相應帝按轡中道親挾弓矢屢  
獲禽焉是時道傍居人或畜狐兔鳧雉驅場中帝謂  
田獵以訓武事非專所獲也悉縱之免園內民田一  
歲租仍召父老勞問其後以諫者多罷獵近甸自是  
終靖康不復講

打毬本軍中戲太宗令有司詳定其儀三月會鞠大  
明殿有司除地豎木東西為毬門高大餘首刻金龍



下施石蓮華坐加以采纈左右分朋主之以承旨二人守門衛士二人持小紅旗唱壽御龍官錦繡衣持哥舒棒周衛毬場殿階下東西建日月旗教坊設龜茲部鼓樂於兩廊鼓各五又於東西毬門旗下各設鼓五閣門豫定分朋狀取裁親王近臣節度觀察防禦團練使刺史駙馬都尉諸司使副使供奉官殿直悉預其兩朋官宗室節度以下服異色繡衣左朋黃襪右朋紫襪打毬供奉官左朋服紫繡右朋服緋繡烏皮鞋冠以華插脚折上巾天廡院供馴習馬并鞍勒帝乘馬出教坊六合涼州曲諸司使以下前道從

臣奉迎既御殿群臣謝宣召以次上馬馬著結尾分朋自兩廂入序立於西廂帝乘馬當庭西南駐內侍發金合出朱漆毬擲殿前通事舍人奏云御朋打東門帝擊毬教坊作樂奏鼓毬既度颺旗鳴鈺止鼓帝回馬從臣奉觴上壽貢物以賀賜酒即列拜飲畢上馬帝再擊之始命諸王大臣馳馬爭擊旗下搥鼓將及門逐廂急鼓毬度殺鼓三通毬門兩旁置繡旗二十四而設虛架於殿東西階下每朋得壽即插一旗架上以識之帝得壽樂少止從官呼萬歲群臣得壽則唱好得壽者下馬稱謝凡三壽畢乃御殿召從臣



三百八十二人  
飲又有步擊者乘驢騾擊者時令供奉者朋戲以爲  
樂云

救日伐鼓建隆元年司天監言日食五月朔請掩藏  
戈兵鎧冑事下有司有司請皇帝避正殿素服百官  
各守本司遣官用牲太社如故事景德四年五月朔  
日食上避正殿不視事至和元年四月朔日食既內  
降德音改元易服避正殿減膳百官詣東上閣門拜  
表請御正殿復常膳三表乃從至日遣官祀太社而  
陰雨以雷至申乃見食九分之餘百官稱賀先是皇  
祐初以日食三朝不受賀百官拜表嘉祐四年詔正

旦日食毋拜表自十二月二十一日不御前殿減常  
膳宴遼使罷作樂至日仍遣官祀太社百官三表乃  
御正殿復膳六年六月朔日食詔禮官驗詳典故皇  
帝素服不御正殿毋視事百官廢務守司合朔前二  
日郊社令及門僕守四門巡門監察鼓吹令率工人  
如方色執麾旂分置四門屋下龍蛇鼓隨設於左東  
門者立北墜南面南門者立東墜西面西門者立南  
墜北面北門者立西墜東面隊正一人執刀率衛士  
五人執五兵之器立鼓外矛處東戟處南斧鉞在西  
稍在北郊社令立積於壇四隅紫朱絲繩三匝又於



北設黃麾龍蛇鼓一次之弓一矢四次之諸兵鼓俱  
 靜立俟司天監告日有變工舉麾乃伐鼓祭告官行  
 事太祝讀文其詞以責陰助陽之意司天官稱止乃  
 罷鼓如霧晦不見即不伐鼓自是日有食之皆如其  
 制治平四年詔古者日食百司守職蓋所以祇天戒  
 而備非常今獨闕之甚非王者小心寅畏之道可令  
 中書議舉行熙寧六年四月朔日食詔易服避殿減  
 膳如故事降天下死刑釋流以下罪政和上合朔伐  
 鼓儀有司陳設太社玉幣遵豆如儀社之四門及壇  
 下近北各置鼓一並植麾持各依其方色壇下立黃

麾麾杠十尺旂八尺祭告日於時前太官令帥其屬  
 實饌具畢光祿卿點視次引監察御史奉禮郎太祝  
 太官令先入就位次引告官就位皆再拜次引御史  
 奉禮郎太祝升就位太官令就酌尊所告官盥洗詣  
 太社三上香奠幣玉再拜復位少頃引告官再盥洗  
 執爵三祭酒奠爵俛伏興少立引太祝詣神位前跪  
 讀祝文告官再拜退伐鼓其日時前太史官一員立  
 壇下視日鼓吹令率工十人如色服分立鼓左右以  
 候太史稱日有變工齊伐鼓明復太史稱止乃罷鼓  
 其日廢務而百司各守其職如舊儀



志卷第七十四

二百  
宋史卷第七十四  
王周

志卷第七十五

宋史一百二十二

開儀曰禮國軍國軍事前書若丞相禮國之類經事都總裁脫等奉

禮

禮二十五

凶禮一

山陵

山陵謚祔服紀葬儀與士庶之喪制為凶禮其上陵  
忌日漢儀如吉祭宋制是日禁屠殺設素饌輟樂舉  
哭素服行事因以類附焉太祖建國號僖祖曰欽陵  
順祖曰康陵翼祖曰定陵宣祖曰安陵安陵在京城  
東南隅乾德初改卜河南府鞏縣西南四十里訾鄉

宋史一百二十二

宋史卷第七十五

一廿

真傳



鄧封村以司徒范質為改卜安陵使學士竇儼禮儀使中丞劉溫叟儀仗使樞密直學士薛居正鹵簿使太宗時尹開封為橋道通使質尋免相以太宗兼轄五使事修奉新陵皇堂下深五十七尺高三十九尺陵臺三層正方下層每面長九十尺南神門至乳臺乳臺至鵲臺皆九十五步乳臺高二十五尺鵲臺增四尺神墻高九尺五寸環四百六十步各置神門角闕有司言改卜陵寢宣祖合用哀冊及文班官各撰歌辭二首吉仗用大駕鹵簿凶仗用大升輿龍輅鵝茸蓋縣魂車香輿銘旌哀謚冊寶車方相買道車白

憶弩素信幡錢山輿黃白絨帳暖帳夏帳干味臺盤衣輿拂蠶明器輿漆梓宮奠衣儀椁素翠包牲倉瓶五穀輿瓷甗瓦甗辟惡車進玄宮有鐵帳覆梓宮藉以椽櫚椽鐵盆鐵山用然漆燈宣祖袞冕昭憲皇后花釵罩衣贈玉十二神當壙當野祖明祖思地軸及留陵刻漏等並制如儀有司又言按儀禮改葬細注云臣為君子為父妻為夫也必服緦者親見尸柩不可以無服緦三月而除之又五禮精義云改葬無祖奠美祖奠設於柩車之前以為行始至於改葬告遷而已今請皇帝服緦皇親及文武官護送靈駕者亦



服總既葬而除不設祖奠止於陵所行一虞之祭宣  
祖謚冊謚寶舊藏廟室合遷置陵內改葬之禮與始  
葬同凡筵宜新明器壞者改作凡歛衣歛物並易之  
其皇堂贈玉鎮圭劔佩旒冕玉寶並以珉玉藥玉綬  
以青錦安陵中玉圭佩劔玉寶等皆用于闕玉孝明  
孝惠陵內用珉玉藥玉啓故安陵奉安宣祖昭憲孝  
惠二后梓宮于帷殿靈駕發引所過州府縣鎮長吏  
令佐素服出城奉迎并辭皆哭自發引至拊皇堂皆  
廢朝禁京城音樂順祖翼祖皆葬幽州至真宗始命  
管奉二陵遂以一品禮葬河南縣制度比安陵減五

分之一石作減三分之一尋改上定陵名曰靖陵

開寶九年十月二十日太祖崩遺詔以日易月皇帝  
三日而聽政十三日小祥二十七日大祥諸道節度  
防禦團練使刺史知州等不得輒離任赴闕諸州軍  
府臨三日釋服群臣叙班殿庭宰臣宣制發哀畢太  
宗即位號哭見群臣群臣稱賀復奉慰盡哀而退禮  
官言群臣當服布斜巾四脚直領布襴腰經命婦布  
帕首裙帔皇弟皇子文武二品以上加布冠斜巾帽  
首經大袖裙袴竹杖士民縞素婦人素縵諸軍就屯  
營三日哭群臣屢請聽政始御長春殿群臣喪服就



列帝去杖經服斜巾垂帽捲簾視事小祥改布服四脚立領布襪腰經布袴二品以上官亦如之大祥帝服素紗軟脚折上巾淺黃衫緹皮鞋黑銀帶群臣及軍校以上皆本色條服鐵帶鞞笏諸王入內服衰出則服慄又成服後群臣朝晡臨三日大小祥禫除朔望皆入臨奉慰內出遺留物頒賜諸臣親王遣使賚賜方鎮二十七日命宰臣撰陵名哀冊文明年三月十七日群臣奉謚號冊寶告于南郊明日讀于靈坐前四月十日啓櫛宮帝與群臣皆服如初喪朝晡臨殿中退易常服出宮城十三日發引帝衰服啓奠哭

群臣入臨升梓宮于龍輜祖奠徹設次明德門外行遣奠禮讀哀冊帝哭盡哀再拜辭釋衰還宮百官辭於都城外二十五日掩皇堂二十九日虞主至奉安于大明殿五月十九日祔廟之第五室以孝明皇后王氏升配禮畢群臣奉慰其吉凶仗如安陵惟增輜輶卓神帛有輿鹵簿三千五百三十九人陵在鞏縣祔宣祖曰永昌至道三年三月二十九日太宗崩于萬歲殿真宗散髮號擗奉遺詔即位於殿之東楹制永熙陵皇堂深百尺方廣八十尺陵臺方二百五十尺大駕鹵簿用玉輅一革車五外凡用九千四百六



四日一十人  
十八人有司定散髮之禮皇帝皇后諸王公主縣主  
諸王夫人六宮內人並左被髮皇太后全被髮帝服  
布斜巾四脚大袖裙袴帽竹杖腰經首經直領布襪  
衫白綾襯服諸王皇親以下如之加布頭冠絹襯服  
皇太后皇后內外命婦布裙衫帔帕頭首經絹襯服  
官人無帔文武二品以上布斜巾四脚頭冠大袖襪  
衫裙袴腰經竹杖絹襯服自餘百官並布幘頭襪衫  
腰經省五品御史臺尚書省四品諸司三品以上見  
任前任防禦團練刺史內客省閤門入內都知押班  
等布頭冠幘頭大袖襪衫裙袴腰經諸軍庶民白

紙帽婦人素縵不花釵三日哭而止山陵前朔望不  
視事六月詔翰林寫先帝常服及絳紗袍通天冠御  
容二奉帳坐列于大升輿之前仍以太宗玩好弓劍  
筆硯琴棊之屬蒙組繡置輿中陳於仗內十月三日  
靈駕發引其凶仗法物擎昇靈駕兵士力士凡用萬  
二千一百九十三人挽郎服白練寬衫練裙勒帛絹  
幘餘並如昌陵制十一月二日有司奉神主至太廟  
近臣題謚號祔於第六室以懿德皇后符氏升配置  
衛士五百人于陵所作殿以安御容朝暮上食四時  
致祭焉



乾興元年二月十九日真宗崩仁宗即位二十日禮儀院言準禮例差官奏告天地社稷太廟諸陵應祠祭惟天地社稷五方帝諸大祠宗廟及諸中小祠並權停俟祔廟禮畢仍舊是日命閤門使薛貽廓告哀于契丹宣慶使韓守英為大內都巡檢內侍分領宮殿門衛士屯護閤門使王遵度為皇城四面巡檢新舊城巡檢各權添差益以禁兵器仗城門亦設噐甲以辨姦詐二十一日群臣入臨見帝于東序閤門使宣口敕曰先皇帝奄棄萬國凡在臣僚畢同號慕及中外將校並加存撫群臣拜舞稱萬歲復哭盡哀退

是日上表請聽政凡三上始允二十三日陳先帝服玩及珠襦玉匣舍祿應入梓宮之物於延慶殿召輔臣通觀明日大斂成服二十五日有司設御坐垂簾崇政殿之西廡簾幕皆縞素群臣叙班殿門外帝衰服杖經侍臣扶升坐通事舍人引群臣入殿庭西向合班俟簾捲群臣再拜班首奏聖躬萬福隨班三呼萬歲退宰臣升殿奏事如儀三月一日小祥帝行奠釋衰服群臣入臨退赴內東門進名奉慰自是每七日皆臨至四十九日止十三日大祥帝釋服服慄十四日司天監言山陵斬草用四月一日丙時吉十六



日山陵按行使監繼宗言據司天監定永安縣東北六里曰卧龍岡堪充山陵詔雷允恭覆按以聞皇堂之制深八十一尺方百四十尺制陵名曰永定九月十一日召輔臣赴會慶殿觀入皇堂物皆生平服御玩好之具帝與輔臣議及天書皆先帝尊道膺受靈貺殊尤之瑞屬于元聖不可留于人間宜於永定陵奉安二十三日奉導天書至長春殿帝上香再拜奉辭二十四日天書先發帝啓奠梓宮讀哀冊禮畢具吉凶儀仗百官素服赴順天門外至板橋立班奉辭還詣西上閣門進名奉慰十月十三日掩皇堂十八日

虞主至京十九日群臣詣會慶殿行九虞祭二十三日柩大廟第七室

嘉祐八年三月晦日仁宗崩英宗立喪服制度及修奉永昭陵並用定陵故事發諸路卒四萬六千七百人治之宣慶使石全彬提舉制梓宮畫樣以進命務堅完毋過華飾三司請內藏錢百五十萬貫細絹二百五十萬匹銀五十萬兩助山陵及賞賚遣使告哀遼夏及賜遺留物又遣使告諭諸路又以聽政奠告大行近臣告升遐於天地社稷宗廟宮觀又告嗣位賜兩府宗室近臣遺留物五月翰林學士王珪言天



字三百八十七个  
子之謚當集中書門下御史臺五品以上尚書省四  
品以上諸司三品以上於南郊告天議定然後連奏  
近制惟詞臣撰議即降詔命庶僚不得參聞頗違稱  
天之義臣擬上先帝尊謚望詔有司稽詳舊典先之  
郊而後下臣之議七月宰臣以下宿尚書省宗室團  
練使以上宿都亭驛請謚于南郊八月告于福寧殿  
天地宗社宮觀九月二十八日啓敢官以初喪服日  
一臨易常服出十月六日靈輿馬發引天子啓奠梓宮  
升龍輜祖奠徹與皇太后步山宣德門群臣辭于板  
橋十五日奉安梓宮陵側十七日開皇堂十一月二

日虞主至皇太后奠于瓊林苑天子出集英門奉  
迎奠于幄七日祭虞主二十九日祔太廟主如漢制  
不題謚號及終虞而行卒哭之祭禮院言故事大祥  
變除服制以三月二十九日祥至五月二十九日禫  
六月二十九日禫除至七月一日從吉已蒙降敕謹  
按禮學王肅以二十五日為畢喪而鄭康成以二十  
七月通典用其說又加至二十七月終則是二十八  
月畢喪而二十九日始吉蓋失之也天聖中更定五  
服年月敕斷以二十七月今士庶所同遵用天三年  
之喪自天子達不宜有異請以三月二十九日為大



祥五月擇日而為禫六月一日而從吉於是大祥日不御前後殿開封府停決大辟及禁屠至四月五日待制觀察使以上及宗室管軍官日一奠二十八日而群臣俱入奠二十九日禫除群臣皆奉慰焉治平四年正月八日英宗崩神宗即位十一日大斂二月三日殯四月三日請謚十八日奏告及讀謚冊于福寧殿七月二十五日啓蕝八月八日靈駕發引二十七日葬永厚陵禮院準禮群臣成服後乘布裹鞍韉小祥臨訖除頭冠方裙大袖大祥臨訖裹素紗軟脚僕頭條公服乘阜鞍韉禫除訖素紗僕頭常服黑帶

二日改吉服去佩魚虞主至自掩壙五虞皆在途四虞於集英殿曲赦兩京畿內鄆益等州如故事

元豐八年三月五日神宗崩十三日大斂帝成服十

七日小祥四月一日禫除七月五日請謚于南郊九

月八日讀謚寶冊于福寧殿二十三日啓蕝十月一

日靈駕發引二十一日葬永裕陵二十九日虞主至

十一月一日虞祭于集英殿自復土六虞在途太常

卿攝事二虞行禮于殿四日卒哭五日祔廟秘書正

字范祖禹言先王制禮以君服同于父皆斬衰三年

蓋恐為人臣者不以父事其君此所以管乎人情也



自漢以來不惟人臣無服而人君遂亦不為三年之喪惟國朝自祖宗以來外廷雖用易月之制而宮中實行三年之喪且易月之制前世所以難改者以人君自不為服也今群臣易月而人主實行三年之喪故十二日而小祥而朞又小祥二十四日大祥再期而又大祥夫練祥不可以有二也既以日為之又以月為之此禮之無據者再期而大祥中月而禫禫者祭之名非服之色也今乃為之慘服三日然後禫此禮之不經者也既除服至葬而又服之蓋不可以無服也祔廟而後即吉財八月矣而遽純吉無所不佩

此又禮之無漸也易月之制因襲已久既不可追宜令群臣朝服止如今日而未除衰至期而服之漸除其重者再朞而又服之乃釋衰其餘則君服斯服可也至於禫不必為之服惟未純吉以至於祥然後無所不佩則三年之制略如古矣詔禮官詳議禮部尚書韓忠彥等議朝廷典禮時世異宜不必循古若先王之制不可盡用則當以祖宗故事為法今言者欲令群臣服喪三年民間禁樂如之雖過山陵不去衰服庶協古制緣先王恤典節文甚多必欲循古又非特如所言而已今既不能盡用則當循祖宗故事及



先帝遺制詔從其議神主祔廟是月冬至百官表賀  
崇政殿說書程頤言神宗喪未除節序變遷時思方  
切恐失居喪之禮無以風化天下乞改賀為慰不從  
紹聖四年太史請遷去永裕陵禁山民塚一千三百  
餘以便國音帝曰遷墓得無擾乎若無所害則令勿  
遷果不便國音當給官錢以資葬費

元符三年正月十二日哲宗崩徽宗即位詔山陵制  
度並如元豐七月十一日啓蕞二十日靈駕發引八  
月八日葬永泰陵九月九日以升祔畢群臣吉服如  
故事太常寺言太宗皇帝上繼太祖兄弟相及雖行

易月之制實斬衰三年以千里君臣之義公除已後庶  
事相稱具載國史今皇帝山崩位哲宗實承神考之世  
已用開寶故事為哲宗服衣重今神主已祔百官之  
服並用純吉皇帝服御宜如太平興國二年故事禮  
部言太平興國中宰臣薛居正表稱公除以來庶事  
相稱獨命徹樂誠未得宜即是公除後除不舉樂外  
釋衰從吉事理甚明今皇帝當御常服素紗展脚幘  
頭淡黃衫黑犀帶請下有司裁製宰臣請從禮官議  
乃詔候周春服吉時詔不由門下徑付有司給事中  
龔原言喪制乃朝廷大事今行不由門下是廢法也



臣為君服斬衰三年古未嘗改且陛下前此議服禮官持兩可之論陛下既察見其姦其服遂正今乃不得已從之臣竊為陛下惜開寶時并汾未下兵革未弭祖宗櫛風沐雨之不暇其服制權宜一時非故事也原坐黜知南康軍於是詔依元降服喪三年之制其元符三年九月自小祥從吉指揮改正紹興五年四月甲子徽宗崩于五國城七年正月問安使何籛等還以聞宰執入見帝號慟擗躄終日不食宰臣張浚等力請始進糜粥成服于几筵殿文武百僚朝晡臨於行宮自聞喪至小祥百官朝晡臨自小祥至禫

祭朝一臨太常等言舊制沿邊州軍不許舉哀緣諸大帥皆國家腹心爪牙之臣休戚一體至於將佐皆懷忠憤宜就所屯自副將而上成服日朝晡臨故校哭於本營命徽猷閣待制王倫等為奉迎梓宮使時知邵州胡寅上疏略曰二年之喪自天子至於庶人一也及漢孝文自執謙德用日易月至今行之予以便身忘其親臣以便身忘其君心知其非而不肯改自常禮言之猶且不可況變故特異如今日者又當如何恭惟大行太上皇帝大行寧德皇后蒙塵北狩求訣不復實繇粘罕是有不共戴天之讎考之於禮



雖不復則服不除寢苦枕戈無時而終所以然者天  
 下雖大萬事雖衆皆無以加於父子之恩君臣之義  
 也伏觀某月某日聖旨緣國朝故典以日易月臣切  
 以為非矣自常禮言之猶須大行有遺詔然後遵承  
 今也大行詔旨不聞而陛下降旨行之是以日易月  
 出陛下意也大行幽厄之中服御飲食人所不堪疾  
 病粥藥必無供億崩殂之後衣衾斂藏豈得周備正  
 棺卜兆知在何所茫茫沙碛沃瞻守為誰伏惟陛下  
 念及此奈毒摧割備難堪心縱未能遵春秋復讎之  
 義俟讎殄而後除服猶當甲漢景之薄喪紀以三年

為斷不然以終身不可除之昭三十七日而除之是  
 薄之中又加薄焉必非聖人之所安也又曰雖宅憂  
 三祀而軍旅之事皆當決於地裁則諒闇之典有不  
 可舉蓋非枕塊無聞之日是乃枕戈有事之辰故魯  
 侯有周公之喪而徐夷並興東郊不開則是墨衰即  
 戎孔子取其誓命今六師戒嚴方將北討萬機之衆  
 孰非軍務陛下聽斷平決得禮之變卒哭之後以墨  
 衰臨朝合於孔子所取其可行無疑也如合聖意便  
 乞直降詔旨云恭惟太上皇帝寧德皇后誕育躬躬  
 大恩難報欲酬罔極百未一伸鑿輿遠征遂至大故



訃音所至痛貫五情想慕慈顏杳不復見然讐有在朕敢忘之雖軍國多虞難以諒闇然衰麻枕戈非異人任以日易月情所不安興自朕躬致喪三年即戎衣墨况有權制布告中外昭示至懷其合行典禮令有司集議來上如敢沮格是使朕為人子而忘孝之道當以大不恭論其罪陛下親御翰墨自中降出一新四方耳目以化天下天地神明亦必有以佑助臣不勝大願六月張浚請謚于南郊戶部尚書章誼等言梓宮未還久廢謚冊之禮請依景德元年明德皇后故事行埋重虞祭祔廟之禮及依嘉祐八年治平

四年虞祭畢而後卒哭卒哭而後祔廟仍於小祥前卜日行之異時梓宮之至宜遵用安陵故事行改葬之禮更不立虞主從之九月甲子上廟號曰徽宗九年正月太常寺言徽宗及顯肅皇后將及大祥雖皇堂未置若不先建陵名則春秋二仲有妨薦獻請先上陵名字臣秦檜等請上陵曰永固徽宗與顯肅初葬五國城十二年金人以梓宮來還將至帝服黃袍乘輦詣臨平奉迎登舟易總服百官皆如之既至行在安奉于龍德別宮帝后異殿禮官請用安陵故事梓宮入境即承之以擲有司預備袞冕輦衣以往至



字四百个  
則納之槨中不復改斂秦檜白令侍從臺諫禮官集  
議靈駕既還當崇奉陵寢或稱橫宮禮部員外郎程  
敦厚希檜意獨上奏言仍橫宮之舊稱則莫能示通  
和之大信而用因山之正典則若忘存本之後圖臣  
以為宜勿徇虛名當示大信於是議者工部尚書莫  
將等乃言太史稱成中不利大莖請用明德皇后故  
事權橫從之以八日奉迎九月發引十月掩橫在昭  
慈橫宮西北五十二畝用地二百五十畝十三年改陵  
名曰永祐紹興三十一年五月金國使至以欽宗訃  
聞詔朕當持斬哀三年之服以申哀慕是日文武百

僚並常服田帶去魚詣天章閣南空地立班聽詔  
舉哭畢次赴後殿門外進名奉慰次詣几筵殿焚香  
舉哭六月權禮部侍郎金安節等請依典故以日易  
月自五月二十二日立重安奉几筵至六月十七日  
大祥所有衰服權留以待梓宮之還從之七月宰臣  
陳康伯等率百官詣南郊請謚廟號欽宗遙上陵名  
曰永獻其餘並如徽宗典禮

淳熙十四年十月八日高宗崩孝宗號慟擗踊踰二  
日不進膳尋諭宰執王淮欲不用易月之制如晉武  
魏孝文實行三年之喪自不妨聽政淮等奏通鑑載



晉武帝雖有此意後來只是宮中深衣練冠帝曰當時群臣不能將順其美司馬光所以譏之後來武帝竟欲行之淮曰記得亦不能行帝曰自我作古何害淮曰御殿之時人主衰經群臣吉服可乎帝曰自有等降乃出內批朕當衰經三年群臣自行易月之令其合行儀制今有司討論詔百官於以日易月之內衰服治事二十日丁亥小祥帝未改服王淮等乞俯從禮制上流涕曰大恩難報情所未忍二十一日車駕還內帝衰經御輦設素仗軍民見者往往感泣詔自今五日一詣梓宮前焚香帝服衰服素幘引輔臣及班

次而禮官奏謂真麻三衣難行於外庭奏入不出十一月戊戌朔禮官顏師魯尤衰等奏乞禮畢改服小祥之服去杖經禫祭禮畢改服素紗軟脚折上巾淡黃袍黑銀帶神主祔廟畢改服幘頭黑鞋犀帶遇過宮燒香則於宮中衰經行禮二十五日而除帝批淡黃袍改服白袍二日巳亥大祥四日辛丑禫祭禮畢五日壬寅百官請聽政不允八日百官三上表引康誥被冕服出應門等語以證九日詔可十五年正月十八日甲寅百官帝過宮行焚香禮二十一日丁巳諭輔臣曰昨內引洪邁見朕已過百日猶服衰屨因



奏事應以漸今宜服如古人墨衰之義而巾則用緇或羅朕以羅絹非是若用細布則可王淮等言尋常士大夫憂過百日巾衫皆用細布出而見客則以黻布今陛下舉曠古不能行之禮足為萬世法帝又曰晚間引宿直宿之類如何淮曰布巾布背子便是常服上不以為然自是每御延和殿止服白布折上巾布衫過宮則衰經而杖三月壬子啓攢帝服初喪之服甲寅發引丙寅掩攢甲戌親行第七虞祭大臣言虞祭乃吉禮宜合用鞞袍上曰只用布折上巾黑帶布袍可也二十日丙戌神主祔廟是日詔曰朕昨啓

指揮欲衰經三年緣群臣屢請御殿易服故以布素視事內殿雖有俟過祔廟勉從所請之詔稽諸典禮心實未安行之終制乃為近古宜體至意勿復有請於是大臣乃不敢言蓋三年之制斷自帝心執政近臣皆主易月之說諫官謝錡禮官尤袤心知其不可而不敢盡言惟敕令所刪定官沈清臣再上書願堅主聽大事於內殿之旨將來祔廟畢日預降御筆截然示以終喪之志杜絕輔臣方來之章勿令再有奏請力全聖孝以示百官以刑四海帝納用焉仍詔攢宮傳遺誥務從儉約凡修營百費並從內庫毋侵有



三百八十一  
司經常之費諸路監司州軍府監止進慰表其餘禮  
並免不得以進奉攢宮為名有所貢獻上陵名曰永  
思

紹熙五年六月九日孝宗崩太皇太后有旨皇帝以  
疾聽在內成服太皇太后代皇帝行禮慶元二年六  
月九日大祥八月十六日禫祭時光宗不能執喪寧  
宗嗣服欲大祥畢更服兩月曰但欲禮制全盡不較  
此兩月於是監察御史胡紘言孫為祖服已過暮矣  
議者欲更持禫兩月不知用何典禮若曰嫡孫承重  
則太上聖躬亦已康復於宮中自行二十七月之重

服而陛下又行之是喪有二孤也自古孫為祖服何  
嘗有此禮詔侍從臺諫給舍集議吏部尚書葉翥等  
言孝宗升遐之初太上聖體違豫就宮中行三年之  
喪皇帝受禫正宜倣古方喪之服以為服昨來有司  
失於討論今胡紘所奏引古據經別嫌明微委為允  
當欲從所請參以典故六月六日大祥禮畢皇帝及  
百官並純吉服七月一日皇帝御正殿饗祖廟將來  
禫祭令禮官檢照累朝禮例施行四月庚戌詔群臣  
所議雖合禮經然於朕追慕之意有所未安早來奏  
知太皇太后而奉聖旨以太上皇帝雖未康愈宮中



亦行三年之制宜從所議朕躬奉慈訓敢不遵依初  
高宗之喪孝宗為三年服及孝宗之喪有司請於易  
月之外用漆紗淺黃之制蓋循紹興以前之舊朱熹  
初至不以為然奏言今已往之失不及追改惟有將  
來啟攢發引禮當復用初喪之服則其變除之節尚  
有可議望明詔禮官稽考禮律豫行指定其官吏軍  
民方喪之服亦宜稍為之制勿使肆為華靡其後詔  
中外百官皆以涼衫視事蓋用此也方朱熹上議時  
門人有疑者未有以折之後讀禮記正義喪服小記  
為祖後者條因自識於本議之末其略云準五服年

月格斬朞三年嫡孫為祖謂承重者法意甚明而禮經無  
文但傳云父沒而為祖後者服斬然而不見本經未  
詳何據但小記云父祖沒而為祖母後者三年可以  
傍照至為祖後者條下疏中所引鄭志乃有諸侯父  
有廢疾不任國致不任喪事之問而鄭答以天子諸  
侯之服皆斬之文方見父在而承國於祖服向來上  
此奏時無文字可檢又無朋友可問故大約且以禮  
律言之亦有疑父在不當承重者時無明白證驗但  
以禮律人情大意答之心常不安歸來稽考始見此  
說方得無疑乃知學之不講其害如此而禮經之文



誠有闕略不無待於後人向使無鄭康成則此事終未有所斷決不可直謂古經定制一字不可增損也巳而詔于永思陵下宮之西修奉攢官上陵名曰永阜

慶元六年光宗崩上陵名曰永崇

嘉定十七年寧宗崩上陵名曰永茂

景定五年理宗崩上陵名曰永穆

咸淳十年度宗崩上陵名曰永昭自孝宗以降外庭

雖用易月之制而宮中實行三年之喪云

志卷第七十五

志卷第七十六

宋史一百二十三

開府儀同三司權國鑾國書重則書右丞相監國參預總事都總裁臆等奉

教修

禮二十六 凶禮二

國陵 濮安懿王園廟 秀安僖王園廟 莊文景獻二太子攢所 上陵 忌日群臣私忌附

皇后園陵太祖建隆二年六月二日皇太后杜氏崩

于滋德殿三日百官入臨明日大斂攢于滋福宮百

姓成服中書門下文武百僚諸軍副兵馬使以上並

服布斜巾四脚直領欄衫外命婦帕頭帔裙衫九日



帝見百官于紫宸門太常禮院言皇后燕國長公主  
高氏皇弟秦寧軍節度使光義嘉州防禦使光美並  
服齊衰三年準故事合隨皇帝以日易月之制二十  
五日釋服二十七日禫除畢服吉心喪終制從之七  
月太常禮院言準詔議定皇太后謚按唐憲宗母王  
太后崩有司集議以謚狀讀于太廟然後上之周宣  
懿皇后謚即有司撰定奏聞未嘗集議制下之日亦  
不告郊廟修謚冊畢始告廟還讀于靈坐前詔從周  
制於是太常少卿馮吉請上尊謚曰明憲皇后九月  
六日群臣奉冊寶告于太廟翌日上于滋福宮十月

十六日葬安陵十一月四日神主祔太廟宣祖室乾  
德二年改卜安陵于河南府鞏縣三月二十五日奉  
寶冊改上尊謚曰昭憲皇太后讀于陵次二十六日  
啓故安陵二十七日靈駕發引命攝太尉開封尹光  
義遣奠讀哀冊四月九日掩皇堂

太祖孝明孝惠二后乾德元年十二月七日皇后王  
氏崩一十五日命樞密承旨王仁贍為園陵使時議  
改卜安陵于鞏并以二后陪葬焉皇堂之制下深四  
十五尺上高三十尺陵臺再成四面各長七十五尺  
神牆高七尺五寸四面各長六十五步南神門至乳



臺四十五步高二丈三尺吉仗用中宮鹵簿凶仗冬  
物悉如安陵而差減其數孝惠又減孝明焉二年三  
月二十七日孝明皇后啓櫛宮群臣服初喪之服明  
日孝惠皇后自櫛殿發引皆設遣奠讀哀冊四月九  
日葬孝惠于安陵之西北孝明于安陵之北二十六  
日皆祔于別廟其後孝明升祔太祖室

太祖皇后宋氏太宗至道元年四月二十八日崩帝  
出次素服舉哀較朝五日六月六日上謚曰孝章皇  
后以歲在未有所忌權擯于趙村沙臺三年正月二十  
日祔葬永昌陵之北自堂陵臺神墻乳臺鵲臺並如

孝明園陵制度仍以故許王及夫人李氏魏王夫人  
王氏楚王夫人馮氏皇太子亡妻呂國夫人潘氏將  
軍惟正亡妻裴氏陪葬二月二日祔神主于別廟宮  
國潘氏至道三年六月追冊為莊懿皇后陵曰保泰  
神主祔后廟

太宗賢妃李氏真宗至道三年十二月追尊為皇太  
后謚曰元德祔葬永熙陵大中祥符六年升祔太宗  
室

太宗明德皇后李氏真宗景德元年三月十五日崩  
十七日群臣上表請聽政凡五上始允帝去杖經服



二五四上令七  
衰即御坐哀動左右太常禮院言皇后宜準昭憲皇  
太后禮例合隨皇帝以日易月之制宗室雍王以下  
禫除畢吉服心喪終制五日詳定園陵宜在元德皇  
太后陵西安葬八月十二日上謚九月二十二日遷  
坐于沙臺攢宮十月七日祔神主太宗室二年十月  
十五日帝詣攢宮致奠十六日發引二十九日掩皇  
堂

真宗章穆皇后郭氏景德四年四月十五日崩皇帝  
七日釋服後改用十三日群臣三日釋服諸道州府  
官吏計到日舉衣成服三日而除二十一日司天監

詳定園陵帝今祔元德皇太后陵側但可安厝不必  
寬廣其棺槨等事無得鐫刻花樣務令堅固二十五  
日殯于萬安宮之西階詔兩制三館祕閣各撰挽詞  
閏五月十三日上謚曰莊穆六月二十一日葬永熙  
陵之西北七月有司奉神主謁太廟祔享于昭憲皇  
后享畢祔別廟大中祥符二年四月十五日大祥詔  
特廢朝群臣奉慰

真宗宸妃李氏仁宗明道元年二月二十六日薨初  
葬洪福禪院之西北命晏殊撰墓銘二年四月六日  
追冊為懿皇太后十月五日改葬永定陵之西北



隅十七日祔神主于奉慈廟

真宗章獻明肅皇后劉氏明道二年三月二十七日崩于寶慈殿遷坐于皇儀殿三十日宣遺誥群臣哭臨見帝于殿之東廂奉慰宗室削杖不散髮中書樞密使相比宗室去斜巾垂帽首經及杖翰林學士至龍圖閣直學士已上并節度使文武二品已上又去中單及袴兩省御史臺中丞文武百官以下四脚幅巾連裳腰經館閣讀書翰林待詔伎術官并給孝服宰相百官朝晡臨三日內外命婦朝臨三日四月遣使告哀遼夏及賜遺留物十日司天監詳定山陵制

度皇堂深五十七尺神墻高七尺五寸四面各長六十五步乳臺高一丈九尺至南神門四十五步鵲臺高二丈三尺至乳臺四十五步詔下宮更不修蓋餘依二十七日以宰臣張士遜為山園使是日翰林學士馮元請上尊謚九月四日讀于靈坐十月五日葬永定陵之西北隅十七日祔神主于奉慈廟

真宗章惠皇后楊氏明道三年十一月五日保慶皇太后崩大常禮院言皇帝本服總麻三月皇帝皇后服皆用細布宗室皆素服言帶大長公主以下亦素服並常服入內就次易服三日而除詔以保祐冲人



四子个  
加服為小功五日而除四年正月十六日上謚二月  
六日葬未定陵之西北隅十六日升祔奉慈廟

仁宗慈聖光獻皇后曹氏神宗元豐二年十月二十  
日太皇太后崩于慶壽宮是日文武百官入宮宰臣  
王珪升西階宣遺詔已內外舉哭盡哀而出二十六  
日大欽命韓縝為山陵按行使二十九日皇帝成服  
十一月韓縝言永昭陵北稍西地二百十步內取方  
六十五步可為山陵上以迫隘縝言若增十步合徵  
火相主及中五之數詔增十步十二月中書言先是  
司天監選年月遷祔濮安懿王三夫人今大行太皇

太后山陵濮三夫人亦當舉葬於是詔宗室正任防  
禦使以上許從靈駕已從濮安二夫人者免從三年  
正月十四日上謚太常禮院言大行太皇太后雖已  
有謚然山陵未畢俟掩皇堂去大行稱慈聖光獻太  
皇太后祔廟題神主仍去二太字秘閣校理何洵直  
言按禮既葬日中還虞于正寢蓋古者之葬近在國  
城之北故可以平日而往至日中即虞於寢所謂葬  
日虞弗忍一日離也後世之葬其地既遠則禮有不  
能盡如古者今大行太皇太后葬日至第六虞自當  
行之於外如舊儀其七虞及九虞卒哭謂宜行之於



慶壽殿又按春秋公羊傳曰虞主用桑士虞禮曰桑  
主不文伏請罷題虞主太常言洵直所引乃士及諸  
侯之禮况嘉祐治平並虞于集英殿宜如故事又嘉  
祐治平虞主已不書謚當依所請太常禮院又言慈  
聖光獻皇后祔廟前二日告天地社稷太廟皇后廟  
如故事至日奉神主先詣僖祖室次翼祖宣祖太祖太  
祖后太宗皇帝懿德皇后明德皇后同一祝次饗元  
德皇后慈聖光獻皇后異饌異祝行祔廟之禮次真  
宗仁宗英宗室禮畢奉神主歸仁宗室如此則古者  
祔謁之禮及近代徧饗故事並行不廢從之三月十

日葬永昭陵二十二日祔于太廟

英宗宣仁聖烈皇后高氏哲宗元祐八年九月三日  
崩于崇慶宮遺詔皇帝成服三日內聽政群臣十二  
日諸州長吏以下三日而除釋服之後勿禁作樂園  
陵制度務遵儉省餘並如章獻明肅皇太后故事十  
四日詔園陵依慈聖光獻太皇太后之制紹聖元年  
正月二十八日禮部言將題神主謹按章獻明肅皇  
后神主書姓劉氏詔依故事四月一日葬永厚陵  
神宗欽聖憲肅皇后向氏建中靖國元年正月十三  
日崩二月太常寺言大行皇太后山陵一行法物



依元豐二年慈聖光獻皇后故事皇堂之制下深六十九尺面方二丈五尺石地穴深一丈明高二丈一尺鵲臺二各高四十一尺乳臺二各高二丈七尺神墻高一丈三尺五月六日葬永裕陵二十六日祔于神宗廟室先是元祐四年美人陳氏薨贈充儀又贈貴儀徽宗入繼大統詔有司議追崇之典上尊謚曰欽慈皇后祔葬永裕陵與欽聖同祔神宗室崇寧元年二月聖瑞皇太妃朱氏薨制追尊為皇太后遂上尊謚曰欽成皇后五月祔葬永裕陵祔神主於神宗室皆備禮如故事

哲宗皇后劉氏政和三年二月九日崩詔崇恩太后合行禮儀可依欽成皇后及開寶皇后故事參酌裁定閏四月上謚曰昭懷皇后五月葬永泰陵祔神主於哲宗廟室徽宗皇后王氏大觀二年九月二十六日崩尚書省言章穆皇后故事真宗服七日從之十月太史局言大行皇后園陵斬草用十月二十四日斥土用十一月十三日葬用十二月二十七日諸宗室合祔葬者並依大行皇后月日時刻十一月宰臣蔡京等請上謚曰靖和皇后十二月奉安梓宮于永裕陵之下宮神主祔別廟四年十二月改謚曰惠恭



其後高宗復改曰顯恭

哲宗昭慈聖獻皇后孟氏紹興元年四月崩詔以繼體之重當承重服以遺誥擇近地權殯俟息兵歸葬園陵梓取周身勿拘舊制以為他日遷奉之便六月殯于會稽上亭鄉橫宮方百步下宮深一丈五尺明器止用鈔錫置都監巡檢一員衛卒百人生日忌辰旦望節序排辦如天章閣儀虞主還州行祔廟禮

徽宗顯仁皇后常氏紹興二十九年崩祔于永祐陵

橫宮

高宗憲聖慈烈皇后吳氏慶元三年崩時光宗以大

上皇承重寧宗降詔以齊衰朞四年三月甲子權殯于永思陵

永思陵

孝宗成肅皇后夏氏開禧三年崩殯于永阜陵正北

吏部尚書陸峻言伏覩列聖在御間有諸后上仙緣

無山陵可祔是致別葬若上仙在山陵已卜之後無

有不從葬者其他諸后葬在山陵之前神靈既安並

不遷祔惟元德章懿二后方其葬時名位未正續行

追冊其成穆皇后孝宗登極即行追冊改殯所為橫

宮典禮已備與元德章懿事體不同所以更不遷祔

竊稽前件典禮祇緣喪有前後勢所當然其於禮意



却無隆殺今來從葬阜陵為合典故從之  
寧宗恭聖仁烈皇后楊氏紹定五年十二月崩祔葬  
茂陵

濮安懿王園廟治平三年詔置園令一人以大使臣  
為之募兵二百人以奉園為額置柏子戶五十人廟  
三間二厦神門屋二所及齋院神厨靈星門其告祭  
濮安懿王及諸神祝文並本宮教授撰河南府給香  
幣酒脯禮物太祝奉禮則命永安縣尉主簿攝如闕  
官以本府曹官凡祭告及四仲饗並依此制奉安神  
主二獻命西京差判官一員亞獻朝臣一員終獻攝

知園令出納神主廟制用一品夫人任氏墳域亦稱  
為園元豐詔曰濮安懿王先帝斟酌典禮即園立廟  
詔王子孫歲時奉祀義協恩稱後世無得議焉今三  
夫人名位或未正坐域或異處有司置而不講曷足  
以彰明先帝甚盛之德仰承在天之志乎三夫人可  
並稱曰王夫人命主司擇歲月遷祔濮園俾其子孫  
以時奉主與王合食而致孝思焉禮官奏請王夫人  
遷葬給鹵簿全仗用鼓吹至國門外減半喪行與四  
時告享並令嗣濮王主之南渡後主奉祠事以嗣濮  
王為之園令一員以宗室為之祠堂主管兼園廟香



火官一員以武臣為之紹興二年九月詔每歲給降  
 福建度牒一十道充祠堂仲饗忌祭五年二月嗣濮  
 王仲湜言被旨迎奉濮安懿王神主至行在今已至  
 紹興府欲權就本處奉安從之先是神主神貌在廬  
 州嗣濮王士從乞奉遷於穩便州郡安奉故也十三  
 年五月知大宗正事惟主奉濮安懿王祠堂士奏言  
 濮安懿王祠貌神主始惟於紹興府光孝寺仲享薦祭  
 其獻官牲牢料禮並多簡略乞令有司討論舊制行  
 下禮部太常寺令參酌欲令士奏攝初獻仍差士奏  
 子或從子二人講也獻其合用牲牢羊豕各一簋

豆各十設禮料初獻合服八旒冕亞獻終獻合服四  
 旒冕奉禮郎太祝太官令服無旒冕並以舊制從事  
 從之二十六年二月嗣濮王士儀言濮安懿王祠堂  
 外無門牖內闕龕帳別無供具望下紹興府置造修  
 奉淳熙五年四月詔濮安懿王祠堂園廟自今實及  
 三年今本堂牒紹興府檢計修葺從嗣濮王士輅請  
 也

秀安僖王園廟紹熙元年三月詔秀王襲封等典禮  
 禮部太常寺乞依濮安懿王典禮避秀安僖王各一  
 字詔恭依仍置園廟四月詔皇伯滎陽郡王伯圭除



太保依前安德軍節度使充萬壽觀使嗣秀王以奏  
王祀六月禮部太常寺言濮安懿三園廟制度廟堂  
神門宜並用獸所安木主石埒于室中西壁三分之  
一近南去地四尺開埒室以石為之其中可容神主  
跌價今來秀安僖王及夫人神主欲乞並依上件典  
禮四仲饗廟三獻官并奉禮郎等係嗣秀王充初獻  
本位姪男攝亞終獻其奉禮郎等乞湖州差官充攝  
行禮合用牲牢羊豕湖州排辦祭器祭服工部下文  
思院製造每遇仲饗本府前期牒報湖州排辦所有  
行禮儀注乞從太常寺參照濮安懿王儀注修定並

從之其園廟差御帶霍漢臣同湖州通判一員相度  
聞奏八月霍漢臣暨通判湖州朱僕言奉詔相度園  
廟以圖來上十月詔委通判一員提督修造祠堂如  
法修蓋十一月禮工部太常寺言濮安懿王園廟三  
間二厦神門屋二坐齋院神厨靈星門欲令湖州照  
應建造從之三年正月一日嗣秀王伯圭奏建造秀  
安僖王園廟近已畢工所有修製神主儀式令所司  
檢照典故修製委官題寫詔差權禮部尚書李燾題  
寫二月伯圭又奏秀安僖王祠堂園廟乞從濮安懿  
王制每三年一次從本所移牒所屬州府檢計修造



從之

莊文太子喪禮乾道三年七月九日皇太子薨設素  
幄于太子宫正廳之東皇帝自內常服至幄俟時至  
易服阜幘頭白羅衫黑銀帶絲鞋就幄發哀是日皇  
后服素詣宮隨時發哀如宮中之禮合赴陪位官並  
常服吉帶入殿正門詣宮幕次俟時至常服黑帶立  
班俟發哀畢易吉服退自發哀至釋服日皇帝不視  
事權禁行在音樂仍命諸寺院聲鐘其小斂大斂合  
祭告以本宮主祭春坊官一員行禮其餘祭告以諸  
司官行禮差護喪葬事一員左藏車出錢二萬貫銀

五千兩絹五千匹成服日皇帝服期次麤布幘頭襪  
衫腰經絹襯衫白羅鞵以日易月十三日而除皇后  
服次麤布蓋首長衫裙帔絹襯服白羅鞵六宮人不  
從服皇太子妃及本宮人並斬衰三年文武百官成  
服一日而除其文武合赴官及御史臺閣門太常寺  
引班祇應人並服布幘頭襪衫腰繫布帶本宮官僚  
並服齊衰三日服臨七日而除釋衰服後藏其服至  
葬日服葬畢而除十二日詔故皇太子攢所就安穆  
皇后攢宮側近擇地繼而都大主管所言太史局官  
等選到寶林院法堂堪充皇太子攢所從之十三日



以皇太子薨告天地宗廟社稷宮觀十八日賜諡  
 文閏七月一日遣攝中書令尚書右僕射魏杞奉謚  
 冊寶于皇太子靈柩前百官常服入次易黑帶行禮  
 畢常服赴後殿門外進名奉慰是夕皇帝詣東宮行  
 燒香之禮如官中之儀二日出葬宰臣葉顛等詣靈  
 柩前行燒香之禮興靈訖行事官陪位親主南班宗  
 室東宮官僚入班廳下再拜宰臣升詣香案前上香  
 酌茶奠酒訖舉冊官舉哀冊讀冊官跪讀讀訖宰臣  
 再拜各降階立有位官皆再拜靈柩進行文武百僚  
 奉辭于城外親王宗室並一騎從至葬所掩壙畢辭訖

退是日百僚進名奉慰四  
 年五月禮部太常寺言國  
 朝典故即無皇太子小祥典禮今參酌討論將來  
 文太子小祥日乞皇帝前後殿特不視事其日先命  
 侍從官一員常服詣太子神坐前行奠酌禮令本宮  
 官僚常服陪位奠酌畢退次慶王恭王常服赴神坐  
 前奠酌畢退次太子妃并榮國公以下行家人禮至  
 大祥日太子妃榮國公以下及本宮人行禮畢焚燒  
 神帛衰服間月妃及榮國公行禫祭家人禮從之明  
 年七月九日大祥是日皇帝不視事差簽書樞密院  
 事梁克家詣太子宮行奠酌禮如前儀



景獻太子嘉定十三年八月六日薨其發哀制服如  
 如莊文太子之禮九日詔護喪視殯所于莊文太子  
 攢宮之東並依其制建造九月十日賜謚景獻遣攝  
 中書令知樞密院事鄭昭先奉謚冊寶于皇太子靈  
 柩前讀冊讀寶如儀訖班退至興靈日宰臣詣皇太  
 子柩前行禮畢柩行其宗室使相南班官常服黑帶  
 並赴陪位騎從至葬所俟掩攢畢奉辭訖退其日皇  
 帝不視事百司赴後殿門外立班進名奉慰十四年  
 七月二日小祥差知樞密院事鄭昭先充奠酌官十  
 五年八月六日大祥九月十五日詔景獻太子凡筮

已徹高平郡夫人傅氏可特封信國夫人仍令主奉  
 祭祀

上陵之禮古者無墓祭秦漢以降始有其儀至唐復  
 有清明設祭朔望時節之祀進食薦衣之式五代諸  
 陵遠者令本州長吏朝拜近者遣太常宗正卿或因  
 行過親謁宋初春秋命宗正卿朝拜安陵以太牢春  
 祠乾德三年始令宮人詣陵上冬服歲以為常開寶  
 九年太祖幸西京過鞏縣謁安陵奠獻雍熙二年宗  
 正少卿趙安易言昨朝拜安陵永昌陵有司止設酒  
 脯香以未明行事不設燭燎又先赴永昌陵後赴安



陵及帝后二位不徧拜頗愆於禮事下有司議曰按  
開元禮春秋二仲月司徒司空巡陵不設牲牢之祀  
今請如宗廟薦享少加裁減除不設登鉶牙槃食及  
太常登歌外餘悉如大祠朝拜日有司豫于陵南百  
步道東設次具翦除器以備洒掃設宗正卿位于北  
外之左西向陵官位於卿之東南執事官又於其南  
俱西向北上設祭器禮料酒饌于北門內宗正卿以  
下各就位再拜盥手奠酒讀祝冊再拜先赴安陵次  
永昌陵次孝明孝惠懿德淑德皇后陵從之景德三  
年真宗將朝諸陵以宰臣王旦為朝拜諸陵大禮使

太常禮院言朝陵故事合排小駕鹵簿唐太宗朝獻  
陵宿設黃麾仗周衛陵寢今請周設黃麾仗又唐制  
前一日陵令以玉冊進御親書近臣奉出陵令受之  
今請造竹冊四副祝畢焚之其百官位舊設陵所從  
祝官及皇親客使分於神道左右貞觀中並陪列司  
馬門內今望準舊儀施行又舊儀詣寢宮至大次之時  
設百官位奏請行禮望令先入赴寢殿立班貞觀中  
皇帝至小次素服乘馬檢會今年正月車駕朝拜明  
德攢宮止服素白衣當時皇帝在大祥之內今既服  
除望止服淡黃袍又按貞觀永徽故事朝陵皆先親



後尊拜辭訖出還大次便進發今望先朝永熙陵行  
 事及辭皇帝皆兩次再拜陪位官每陵亦各兩次再  
 拜今請皇帝詣安陵參辭四度再拜永昌永熙陵各  
 兩度設拜舊儀逐寢殿上食備太牢之饌珍羞庶品  
 近以羊豕代太牢今請備少牢之祭設奠讀冊畢復  
 詣寢宮上珍羞庶品別行致奠之禮又舊儀前發二  
 日太尉告太廟今請依禮徧告六室詔特服素白衣  
 行事次序如告太廟餘依所請四年正月車駕次鞏  
 縣罷鳴鞭及太常奏嚴金吾傳呼既至齋于永安鎮  
 行宮太官進蔬膳是夜漏未盡三鼓帝乘馬却輿登

繼弱至安陵素服步入司馬門行奠獻禮諸陵亦然  
 又詣下宮凡上宮用牲牢祝冊有司奉事下宮備膳  
 羞內臣執事百官陪位又詣元德太后陵奠獻別于  
 陵西南設帷殿祭如下宮禮畢徧詣孝明孝惠孝章  
 懿德淑德明德莊懷七后陵遂單騎從內臣巡視陵  
 闕而親奠變魏岐鄆安周六王及恭孝太子諸墳其  
 三陵陪葬皇子皇孫公主之未出閣者及諸王夫人  
 之蚤亡者各設位次諸陵下宮之東序安陵百二十  
 一墳量設三十位男子女子共祝版二昌陵十五墳量  
 設十位熙陵八墳量設五位並祝版一以致祭焉長



後暫詣幄次更衣復詣諸陵奉辭有司以朝拜無辭  
禮帝不忍故復往仍遣官祭一品皇親諸親墓大中  
祥符四年正月祀汾陰經鞏縣有司請于誓村王臺  
設幄殿置三陵神坐皇帝鞞袍就幄設香酒時果牙  
槃食奠獻而命大臣以香幣酒脯詣諸陵致告駕還  
復行親謁之禮帝素服乘馬至永安縣齋于行宮夜  
漏未盡二鼓詣三陵及元德太后明德皇后陵奠獻  
哀慟未明禮畢復詣四陵奉辭省視几筵奠獻如初  
禮又徧詣諸后陵諸王墳致奠命中使徧祭皇親諸  
親墳及汝州秦王墳是歲命禮官定春秋二仲遣官

朝陵儀注以祭服行事專差宗正卿一員朝拜三陵  
別遣官二員分拜諸陵又製長竿檐床一副置陵表  
祝版遣寬衣軍士三十二人輿送陵下其後添差陵  
廟行禮官四員選朝官京官宗姓者充翰林學士錢  
惟演言春秋朝陵載于舊式公卿親往蓋表至恭唐  
顯慶中始詔三公行事天寶以後亦遣公卿巡謁蓋  
取朝廷大臣不必須同國姓後參用太常宗正卿晉  
開運中亦命吏部侍郎近年以來止遣宗正寺官人  
輕位卑實虧舊制望自今于丞郎諸司三品內遣官  
闕則差兩省諫舍以上所冀仰副追孝之心以成稽



古之美景祐初滄州觀察使守節言寒食節例遣宗室拜陵而十月令內司賓往非所以致恭乃詔宗室正刺史以上一員朝拜四年戒栢子戶安陵永昌永熙各留四十戶永定五十五會聖宮十戶慶曆二年寒食十月朔宗室刺史以上聽更往朝陵皇祐三年太常博士李壽朋奏帝后諸陵薦饗皆有時獨昭憲皇后以合葬安陵不及時祭禮院言朝拜儀注牲牢並如太廟常饗例諸陵止奠一爵而安陵奠兩爵兩贊再拜惟祭饌不兼設蓋有司相承失之於是詔安陵昭憲皇后祝版牲幣御封香依太廟同室禮更造

諸陵祭器財別庫三陵皆置卒五百人唯定陵以章獻太后故別置一指揮昭陵使甘昭吉引定陵例請置守陵奉先兩指揮京西轉運司請減定陵卒半以奉昭陵詔選募一指揮額五百人初永安縣官月朔朝定陵望朝三陵韓琦言昭陵未有朝日乃令縣官朔望分朝諸陵熙寧中詔文臣大兩省武臣閣門使以上經過陵下並許朝拜又詔自今臣僚朝拜諸陵除見任掌任執政官許進湯餘止奠獻薦新不特拜初故事車駕詣陵謂之親謁南渡之後此禮不舉故上陵或曰省視或曰保護或曰薦獻或曰祭告或曰



致祭或曰望祭或曰修奉悉遣官不專於行禮也建炎元年五月一日詔戶部安軍祖宗陵寢可差西京留守及臺臣一員躬親省視如有合修奉去處措置奏聞仍詔廊延路副總管劉光世充省視陵寢使又詔河南府鎮撫使翟興團結本處義兵保護祖宗陵寢四年六月詔令禮部給降度牒一百道充祭告諸陵禮料仍令翟興所差來人齋祭告表以行紹興元年九月起居郎陳興義言陛下躬履艱難之運駐蹕東南列聖陵邑遠在洛師顧瞻山川未得時省雖欲遣使道路不通聖懷日憤近聞道路少通差易前日

願詔執事每半年擇遣使臣兩員徃省諸陵詔令樞密院每半年差使臣兩員前去三年正月禮部太常寺言春秋二仲薦獻諸陵乞于行在法惠寺設位望祭行禮從之自是每歲薦獻率循此制五月詔令戶部支金一百兩付河南府鎮撫使司幹辦公事任直清充祭告永安軍諸陵九年正月上謂輔臣曰祖宗陵寢久淪異域今金國既割還故地便當遣宗室使相與臣僚前去修奉洒掃尋命同判大宗正事士儂兵部侍郎張燾前去河南府祇謁修奉六月太常丞梁仲敏等言春秋二仲遣宗室遙郡防禦使薦獻諸



陵太常少卿薦獻永祐陵權宜于行在設位行禮今道路既通望依舊遣官前詣詔令西京留守司候仲秋就便選官前詣諸陵薦獻士儂張燾回言諸陵下石澗水自兵興以來涸竭幾十五年二使到日水即大至父老驚嘆以為中興之祥十年三月禮部言池州銅陵縣丞呂和問進宮陵儀制望付太常寺以備檢照永安軍等處今已收復遂委知軍詣諸陵逐位檢視除永定永昭永厚永裕永泰陵園廟並無損動內未安永昌永熙陵神臺墜裂未敢一面擅行補飾太常寺看詳若行補修合就差所委修飾官奏告行

禮詔令河南府委官如法補飾不得滅裂其後兵部侍郎兼史館脩撰張壽言伏見宣諭官方庭實有請乞將來先帝山陵一依永安陵等制度臣區區愚忠願明詔有司異時永固陵凡金玉珍寶盡斥不用播告天下咸使聞知如是自然可保無虞上嘉納之三十一年六月詔祖宗陵寢今本處招討使同本處官吏躬親朝謁如法修奉務在嚴潔以稱孝思之意乾道六年八月詔承信郎劉湛特轉兩官右迪功郎劉師顏特與右承務郎升擢差遣秦世輔特轉一官升充正將以湛等歸正結義保護陵寢故也端平元年



字四 百令十 吳惠 荆  
正月京西湖北安撫制置使史嵩之露布以滅金閔  
二月御筆國家南渡以後八陵迥隔常切痛心今京  
湖帥臣以圖來上恭覽再三悲喜交集凡在臣子諒  
同此情可令卿監郎官以上詣尚書省恭胝集議遂  
遣太常寺主簿朱揚祖國門祗候林拓朝謁八陵紹  
興元年六月太常寺言昭慈獻烈皇太后攢宮在越  
州會稽縣合依四孟朝獻禮例差宰執一員前一日  
赴攢宮泰寧寺宿齋至日行朝拜之禮詔同知樞密  
院事李回行禮二年三月知紹興府張守言昭慈獻  
烈皇太后攢宮近在府界望許臣以時朝謁從之自是

守臣皆許朝謁十七年十一月殿中侍御史余堯弼  
言望舉行舊制於春秋二仲遣官詣永祐陵攢宮薦  
獻臣僚又言陵廟之祭月有薦新著在令典方今宗  
廟久已遵奉惟是永祐陵闕而未講望令有司討論  
舉而行之太常寺討論欲依政和五禮依典故令兩  
攢宮遵依每月檢舉差官行禮其新物令逐宮預行  
關報紹興府排辦從之二十七年六月詔永祐陵及  
昭慈聖獻皇后攢宮檢察承受以檢察宮陵所為名  
三十年九月吏部言紹興府會稽知縣依倣陵臺令  
典故於階街內帶兼主管攢宮事務量加優異淳熙



元年正月禮部太常寺言春秋二仲差太常少卿薦獻永祜陵積宮并周視陵域如遇少卿有缺乞從本寺前期取指揮差本寺以次官充攝所有今年仲春薦獻即日見闕少卿詔差太常丞錢良臣自後春秋遇少卿闕率以為例慶元元年六月詔永阜陵孝宗皇帝積宮每歲秋季一就令所差監察御史恭詣朝拜檢察從御史臺申請諸陵亦如之

忌日唐初始著罷樂廢務及行香修齋之文其後又朔望停朝令天下上州皆準式行香天祐初始令百官詣閣奉慰宋循其制惟宣祖昭憲皇后為大忌前

一日不坐群臣詣西上閣門表慰移班奉慰皇太后退赴佛寺行香凡大忌中書悉集小忌差官一員赴寺如車駕巡幸道遇忌日皆不進名奉慰留守自於寺院行香仍不得在拜表之所天下州府軍監亦如之建隆二年宣祖忌日時明憲太后在殯群臣止詣閣奉慰而罷行香乾德二年帝于太廟其日惠明皇后忌有司言唐開成四年正月二十二日祀先農與穆宗忌同日太和七年十二月八日蜡百神與敬宗忌同日詔以近廟忌辰作樂非便宜令縣而不作竊以農蜡之祭猶避廟忌而不作樂况僖祖同廟連室



而在諱辰詎可輒陳金石之奏伏望依禮縣而不作  
其後宣祖昭憲忌日詔準太祖太宗奉翼祖禮前一  
日更不廢務咸平中有司將設春宴金明池習水戲  
開瓊林苑縱都人游賞帝以是月太宗忌月命詳定  
故事以聞史館檢討杜鵑等言按晉穆帝納后月是  
康帝忌月禮官荀訥議有忌日無忌月若有忌月即  
有忌時忌歲益無所据當時從訥所議唐武后神功  
元年建安王攸宜破契丹詣闕獻捷軍人入城例有  
軍樂內史王及善以國家忌月請備而不奏鳳閣侍  
郎王方慶奏按禮經有忌日而無忌月遂舉樂憲宗

時太常博士韋公肅言禮無忌月禁樂今太常教坊  
以正月為忌月停郊廟饗宴之禮中外士庶咸罷宴  
樂竊恐乖宜時依公肅所奏伏以忌日不樂嘗載禮  
經忌月徹縣實無典故况前代鴻儒議論足据其春  
宴及池苑並合舉樂景德元年北征凱旋京師是日  
以懿德皇后忌詔徹鹵簿鼓吹禮官議曰班師振旅  
國之大事后之忌日家之私事今大駕凱旋軍容宜  
肅昔武王伐紂在諒闇中猶前歌後舞夫諒闇是重  
遠忌是輕以此而論人不無爽况春秋之義不以家  
事辭王事其還京日法駕鼓吹音樂並請振作尋詔



自今宗廟忌日西京及諸節鎮給錢十千防禦團練州七千軍事州五千以備齋設元德皇后忌日舊制樞密使依內諸司例惟進名不赴行香知樞密院王欽若以為言自是三司使副翰林樞密龍圖直學士並赴焉真宗崩元德明德皇后忌日在禫制內乃停進名行香凡奉慰宰相樞密使各帥百官內職共進名節度使留後觀察使各進名忌日前後各禁刑三日如天慶節釋杖以下情輕者復斷屠宰不視事前後各三日禁樂各五日其後以歲月漸遠禁刑不視事各二日禁樂各三日童憲明肅太后忌辰禮官請

依章懿太后禮例前後二日不視事一日禁屠宰各三日禁樂詔應大忌日行香臣僚並素食復立孝惠孝章淑德章懷章惠温成諸后為小忌未幾罷神宗即位太常禮院言信祖及文懿皇后神主既祧準禮下諱忌日亦請依唐睿宗祧遷故事廢之初神御殿酌獻設皇帝位于庭下而忌日兩府列于殿上寺院行香左右巡使兩赤縣令于中門相向分立俟宰臣至立位前直省官贊通揖于禮無據乃命行香群臣班殿下宰相一員升殿跪爐而罷通揖又詔大忌日不為假執政官蚤出禮部言順祖及惠明皇后既葬



四百八  
遷主罷行香忌日請于永昌院佛殿之東張幄齋薦  
乃詔僖祖翼祖并六位忌日咸如之先是翼祖簡穆  
皇后神主奉藏夾室依禮不忌後復詔還本室而忌  
日亦如舊焉政和新儀群臣進名奉慰其日質明文  
武朝叅官入請朝堂就次御史臺先引殿中侍御史  
一員入跪位次西上閣門御史臺分引朝叅官及諸  
軍將校次禮直官引三公以下在西上閣門南階下  
每等重行異位並北向東上知西上閣門官于班前  
西向立搢笏執名紙躬三公以下文武百僚俱再拜  
俟閣門官執笏置名紙笏上入西上閣門訖退

奉慰詣景靈宮每等重行異位並北向東上禮直官  
揖班首以下再拜訖引班首自東階升殿舍人接引  
同升詣香案前搢笏上香跪奠茶訖執笏與降階復  
位又再拜次引班首以下分左右搢笏行香宰相執  
政官分左右行香訖執笏俱復位次引班首升殿詣  
香案前俛伏跪搢笏執爐俟讀疏畢執笏俛伏與降  
階復位又再拜退中興之制忌日百僚行香在外州軍  
亦詣寺院行香如在以日易月服制之內並依禮例  
權停大祥後次年於曆日內箋注立忌辰禁音樂一  
日紹興元年二月太常少卿蘇遵等以徽宗欽宗留



北有朔望進拜之禮乃言凡遇祖宗帝后忌前一日并忌日皇帝自內先服紅袍遇拜訖易服行禮從之二年八月詔應諸路州軍見屯軍馬統兵官每遇國忌免行香十三年正月御史臺言正月十三日欽聖憲肅皇后忌其日立春準令諸臣僚及將校立春日賜幡勝遇稱賀等拜表忌辰奉慰退即戴欲乞候十三日忌辰行香退即行戴插從之三十二年六月禮部侍郎金安節等言六月二十八日欽慈皇后忌辰係在淵聖皇帝以日易月釋服之外百官行香宜如常制詔依三十二年正月禮部太常寺言已降旨欽

宗祔廟翼祖當遷於正月九日告遷翼祖皇帝簡穆皇后神主奉藏于夾室所有以後翼祖皇帝忌及諱簡穆皇后忌欲乞依禮不諱不忌詔恭依淳熙元年十一月詔文武百僚詣景靈宮國忌立班行香自今如遇宰執俱致齋不及趨赴于東班從上引官一員升殿跪爐行香以次官一員詣西班行香先是閣門得旨國忌行香宰執致齋不赴其西壁武臣闕官押班已降旨揮差使相或太尉節度使等押班可令文武班內班上一員東壁押班止令西壁散香今後準此至是禮部太常寺重別指定來上故有是命四年



十月太常少卿齊慶言每遇國忌文武班列莫敢  
不肅唯是武臣一班員數絕少或以疾病在告多不  
赴赴詔閣門御史臺申嚴行下如有違戾彈劾聞奏  
九年十月侍御史張太經奏比來國忌行香日分令  
赴官類多託疾在告以免夙興拜跪之勞乞自今如  
遇行香日有稱疾託故不赴者從本臺彈奏乞置典  
憲從之

群臣私忌開寶敕文應常參官及內殿起居職官等  
自今刺史郎中將軍以下遇私忌請準式假一日忌  
前之夕聽還私第其後有司言臣僚忌日恩賜其朝  
甚有無名者如劉繼元李煜劉鋹之類皆身為降俘  
亡沒已久而尚霑恩賜及周朝忌日尚有追薦本朝  
亦有追尊皇后生日道場并諸神祠亦有為生日者  
請付禮官詳議不經之物一切省去詔周朝忌日仍  
舊餘罷之

志卷第七十六



志卷第七十七

宋史一百二十四

開府儀同三司柱國錄軍國事尚書丞和監修國史領經筵事都總裁等奉

勅修

禮二十七 凶禮三

外國喪禮及入弔儀  
諸臣喪葬等儀

凡外國喪告哀使至有司擇日設次於內東門之北  
隅命官攝太常卿及博士贊禮俟太常卿奏請即向  
其國而哭之五舉音而止皇帝未釋素服人使朝見  
不宣班不舞蹈不謝面天額引當殿喝拜兩拜奏聖  
躬萬福又喝拜兩拜隨拜萬歲或增賜茶藥及傳宣



三百六十八个  
撫問即出班致詞訖歸位又喝拜兩拜隨拜萬歲喝  
祇候退大中祥符二年十二月北朝皇太后凶訃遣  
使來告哀詔遣官送之廢朝七日擇日備禮舉哀成  
服禮官詳定儀注以聞其日皇帝常服乘輿詣幕殿  
俟時釋常服服素服白羅衫黑銀帶素紗軟脚幞頭  
太常卿跪奏請皇帝為北朝皇太后凶訃至掛服又  
奏請五舉音文武百僚進名奉慰退幕殿仍遣使祭  
奠弔慰三年正月契丹賀正使為本國皇太后成服  
所司設幕次香酒及衰服經杖等禮直官引使副已  
下詣位北向再拜班首詣前執盞跪奠俛伏與歸位

皆再拜俟使已下俱衰服經杖成服訖禮直官再引  
各依位北向舉哭盡哀班首少前去杖跪盃酒訖執  
杖俛伏與歸位焚紙馬皆舉哭再拜畢各還次服吉  
服歸驛天聖八年六月契丹使來告哀禮官詳定北  
朝凶訃宜於西上閣門引來使奉書令閣門使一員  
跪受承進宰臣樞密使已下待制已上並就都亭驛  
弔慰七月一日使者耶律乞石至帝與皇太后發哀  
苑中使者自驛赴左掖門入至左昇龍門下馬入北  
偏門階下行至右昇龍北偏門入朝堂西偏門至文  
德殿門上奉書太常博士二員與禮直官贊引入文  
宋史一百二十四



德殿西偏門階下行至西上閣門外階下面北跪進  
書閣門使跪受承進太常博士禮直官退使者入西  
上閣門殿後偏門入宣祐西偏門行赴內東門柱廊  
中間過幕次祇候朝見訖赴崇政殿門幕次祇候朝  
見皇太后訖出三日近臣慰乞石于驛嘉祐三年正  
月契丹告國母哀使人到闕入見皇帝問云卿離北  
朝日姪皇帝悲苦之中聖躬萬福朝辭日即云皇帝  
傳語北朝姪皇帝媻太皇太后上僊遠勞人使計告  
春寒善保聖躬中書樞密以下待制已上赴驛弔慰  
云竊審北朝太皇太后上僊伏惟悲苦五月獻遺留

物明道元年十一月二十四日敕夏王趙德明薨  
輟朝三日令司天監定舉哀掛服日辰其日乘輿至  
幕殿服素服太常博士引太常卿當御坐前跪奏請  
皇帝為夏王趙德明薨舉哀又奏請十五舉音又奏  
請可止文武百僚進名奉慰告哀使副已下朝見首  
領并從人作兩班見先首領見兩拜後班首奏聖躬  
萬福又兩拜隨拜萬歲喝賜例物酒食跪受起又兩  
拜隨拜萬歲喝各祇候退從人儀同是日皇太后至  
幕殿釋常服白羅大袖白羅大帶舉哀如皇帝儀其  
遣使致弔弔慰如契丹



其入弔奠之儀乾興元年真宗之喪契丹遣殿前都  
點檢崇義軍節度使耶律三隱翰林學士工部侍郎  
知制誥馬貽謀充大行皇帝祭奠使副左林牙左金  
吾衛上將軍蕭日新利州觀察使馮延休充皇太后  
弔慰使副右金吾衛上將軍耶律寧引進使姚居信  
充皇帝弔慰使副所司預於滋福殿設大行皇帝神  
御坐又於稍東設御坐祭奠弔慰使副並素服由西  
上閣門入陳禮物於庭中書門下樞密院並立於殿  
下再拜訖升殿分東西立禮直官閣門舍人贊引耶  
律三隱等詣神御坐前階下俟殿上簾捲使副等並

舉哭殿上皆哭再拜訖引升殿西階詣神御坐前上  
香奠茶酒貽謀跪讀祭文畢降階復位又舉哭再拜  
訖稍東立俟皇太后升坐中書樞密院起居畢簾外  
侍立舍人引弔慰祭奠使副朝見殿上舉哭左右皆  
哭弔慰使副蕭日新等升殿進書訖降坐俟皇帝升  
坐中書樞密院起居畢升殿侍立舍人引弔慰祭奠  
使副朝見皇帝舉哭左右皆哭弔慰使副耶律寧  
升殿進書訖賜三隱等襲衣冠帶器幣鞍馬隨行舍  
利牙校等衣服銀帶器幣有差弔慰使副蕭日新等  
復詣承明殿俟皇太后升坐中書樞密院俟立如儀



舍人引蕭日新等升殿進問聖候書畢賜銀器衣著  
宋差仍就客省賜三隱等茶酒又令樞密副使張士  
迥別會三隱等伴宴於都亭驛英宗即位契丹使來  
賀乾元節命先進書奠梓宮見于東階放夏國使人  
見客省以書幣入後弔慰使見殿門外契丹祭奠使  
見于皇儀殿東廂群臣慰于門外使人辭于紫宸殿  
命坐賜茶故事賜酒五行自是終諒闇皆賜茶神宗  
之喪夏國陳慰使丁努冤名謨鐸副使呂則陳聿精  
等進慰表于皇儀門外退赴紫宸殿門賜帛有差元  
祐初尚籙入貢有大皇太后表及進奉物樞密院請

遵故事惟合以皇太后回諭敕書已而宣仁聖烈太后  
崩禮部太常閣門同詳定高麗奉慰使人於小祥前  
後到闕令於紫宸殿門見客省受表以進賜器物酒  
饌退並常服黑帶不佩魚候見罷純吉服淳熙十四  
年今之國弔祭使到闕惟皇帝先詣梓宮行燒香禮及  
使入門祭訖皆就慳舉哭外陳設行事並如先朝舊  
儀其奉辭日有司亦先設神御坐及設香按茶酒果  
食盤臺於几筵殿上宰執升殿分東西立侍從官於  
殿下西面立使副入門殿上下皆哭使副升殿哭止  
使副詣神坐前一拜上香奠茶三奠酒畢拜興讀祭



三百八十六个  
文官詭讀祭文一拜興殿上下皆哭使副俱降歸位  
立又再拜訖退

諸臣之喪國制諸王公土宗室將軍以上有疾皆乘  
輿臨問如小疾在家或幸其第有至三四者其官邸  
在禁中多不時而往惟宰相使相駙馬都尉疾亟幸  
其第或賜勞加禮焉建隆元年七月宰相范質有疾  
太祖親幸其第賜黃金銀絹有差闕寶二年趙普有  
疾帝再往視賜銀器絹甚厚太平興國中鎮寧軍節  
度揚信久病瘖忽能言帝異之遽幸其第加賜資大  
中祥符三年三月鎮安軍節度使駙馬都尉石保吉

疾亟帝將臨視之其日大忌宰相言於禮非便遂遣  
內侍以諭保吉明日始臨省焉六月幸翰林侍講學  
士邢昺第視疾賜白金千兩衣著千匹名藥一奩熙  
寧七年十二月詔頒新式凡臨幸問疾者賜銀絹宰  
臣及樞密使帶使相者二千五百兩匹樞密使使相  
二千兩匹知樞密院事叅知政事樞密副使同知樞  
密院事一千五百兩匹簽書樞密院事同簽書樞密  
院事宣徽使七百五十兩匹殿前都指揮使一千五  
百兩匹駙馬都尉任使相以下者二千五百兩匹任  
節度觀察留後以下者一千五百兩匹並入內內侍



三百八十三人  
省取賜

車駕臨奠太常新禮宰相樞密宣徽使叅知政事樞密副使駙馬都尉薨皆臨幸奠酹及發引乘輿或再往咸平二年工部侍郎樞密副使楊礪卒即日冒雨臨其喪大中祥符元年殿前都虞候端州防禦使李繼和卒真宗將臨其喪以問宰相臣對曰繼和以品秩實無此禮陛下敦序外族先朝亦嘗臨社審瓊之喪於禮無嫌帝然之即日幸其第康定二年右正言知制誥吳育奏臣竊見車駕每有臨奠臣僚宗戚之家皆即時出幸道路不戒羽衛不全從官奔馳衆目驚

異萬乘法駕豈慎重之意乎雖震悼方切於皇慈而舉動貴合乎經禮臣竊詳通禮舊儀蓋俟喪家成服然後臨奠於事不迫在禮亦宜臣愚欲乞今後車駕如有臨奠去處乞俟本家既歛成服然後出幸則恩意容典詳而得中警蹕羽儀備之有素事下禮官議遭喪之家有出殯日乃成服者恐至時難行臨奠請自今聖駕臨奠臣僚宗戚之家若奏訃在交未前即傳宣閣門只於當日令所屬候儀衛備奏請車駕出幸若奏訃在交未後即次日臨奠庶使羽衛整肅於事為宜詔可其儀乘輿自內出千牛將軍四人執戈



三百九十一  
一人執桃一人執菊前導車駕將至所幸之第替禮者引喪主哭於大門內望見乘輿止哭再拜立於庭皇帝至幕殿改素服就臨喪主內外再拜皇帝哭十五舉音喪主內外皆哭皇帝詣祭所三奠酒喪主已下再拜皇帝退止哭從官進名奉慰皇帝改常服還內通禮者皇帝臨諸王妃主外祖父母皇后父母宗戚貴臣等喪出官服常服至所臨處變服素服天聖喪葬令皇帝臨臣之喪一品服錫衰三品已上總衰四品已下疑衰皇太子臨弔三師三少則錫衰宮中四品已上總衰五品已下疑衰

輟朝之制禮院例用文武官一品二品喪輟視朝二日於便殿舉哀掛服文武官三品喪輟視朝一日不舉哀掛服然其車駕臨問并特輟朝日數各繫聖恩一品二品喪皆以翰林學士已下為監護葬事以內侍都知已下為同監護葬事葬日輟視朝一日皆取旨後行慶曆五年四月禮院奏準度支員外郎集賢校理知院曾公亮奏朝廷行輟朝禮並乞以聞哀之明日輟朝其假日便以充數仍為永例如值其日前展須坐則禮有重輕自可略輕而為重更不行輟朝之禮臣今看詳公亮所奏誠於輟朝之間適宜順變然



慮君臣恩禮之情有所未盡欲乞除人使見辭春秋  
二宴合當舉樂即於次日輟朝餘乞依公亮所奏詔  
可太平興國六年守司空兼門下侍郎平章事薛岳  
正薨準禮一品喪合輟二日詔特輟三日其後鄧王  
錢俶太師趙普右僕射李沆薨皆一品合輟二日詔  
並特輟五日二品三品者亦有特輟焉太平興國九  
年右諫議大夫叅知政事李穆卒準禮諫議大夫不  
合輟朝特輟一日開寶三年羅彥瓌魏仁浦薨以郊  
祀及軍事不輟朝景德四年同平章事王顯薨以皇  
帝朝拜諸陵吉凶難於相于更不輟朝康定元年光

祿卿鄭立卒禮官舉故事輟朝臺官言卿監職任疎  
遠恩禮不稱自後遂不輟朝孝宗乾道三年四月一  
日太常寺言皇伯母秀王夫人薨輟朝五日丙二日  
不視事乞自今月二日為始輟朝至六日止其二日  
三日並不視事從之

舉哀掛服尚舍設次於廣德殿或講武殿大明殿其  
後皆於後苑壬地前一日所司預設舉哀所幕殿周  
以簾帷色用青素其日皇帝常服乘輿詣幕殿侍臣  
奏請降輿俟時釋常服服素服白羅衫黑銀腰帶素  
紗軟脚幞頭太常博士引太常卿當御坐前跪奏請



皇帝為某官薨舉哀又請舉哭十五舉音又奏請可  
止中書門下文武百官進名於崇政殿門外奉慰皇  
帝釋素服服常服乘輿還內建隆四年山南東道節  
度使慕容延釗卒太祖素服發哀其後趙普薨太后  
亦如之景德四年李沆薨禮官言舉哀品秩雖載禮  
典伏緣國朝惟趙普曹彬曾行茲禮今望裁自聖恩  
詔特擇日舉哀自後宰臣薨皆用此禮真宗乳母秦  
國延壽保聖夫人卒以太宗喪始替疑舉哀禮官言  
通禮皇帝為乳母總麻按喪葬令皇帝為總一舉哀  
止秦國夫人保傅也仍宜備哀榮况太宗之喪已終

易月之制今為乳母發哀合於禮典從之鄭國長公  
主薨禮官言降服大切擇日成服緣居大行皇太后  
大祥之內衰服未除典禮舊章以輕包重酌情順變  
禮當厭降國主成服皇親諸親亦不制服帝曰宗室  
諸王皆不制服情所未忍至期當遣諸王就其第成  
服及令皇后臨奠餘如所請皇從弟右監門衛大將  
軍德鈞卒以皇帝恭謁陵寢罷舉哀成服天禧元年  
太尉王旦薨時季秋人享明堂其日發哀真宗疑之  
禮官言祠事在質明之前成服於既祠之後於禮無  
嫌詔可康定二年皇子壽國公斯薨年二歲禮官言



已有爵命宜同成人遂發哀成服熙寧十年永國公薨係無服之殤詔特舉哀成服元祐元年王安石薨在神宗大祥之內司馬光薨亦在諒闇中皆不舉哀成服高宗於劉光世張俊秦檜之喪皆為臨奠然設幄舉哀成服之禮未之行也孝宗乾道三年始為皇伯母秀王夫人薨設幕殿後苑壬地舉哀成服復舉行焉皇太后皇后為本族之喪孝明皇后姊太原郡君王氏卒中書門下據太常禮院狀準禮例皇后合出就故彰德軍節度使王旣第發哀成服文武百僚詣其第進名奉慰從之昔穆太后母楚國太夫人吳

氏薨太常禮院言皇帝為外祖母本服小功詳開寶通禮即有舉哀成服之文又緣近儀大功以上方成服今請皇太后擇日就本宮掛服雍王以下為外祖母給假其後太后嫡母韓國太夫人薨亦用此制焉章獻明肅皇后改葬父母前一日皇后詣攢所俟時詣成服所改服總尚儀奏請詣靈樞發哭奠酒退六宮內人立班奉慰掩壙畢皇后詣壙奠獻再拜釋服還宮外命婦進殿奉慰如儀

輟樂太平興國七年十月中書言今月七日乾明節選定二十二日大宴二十日叅知政事實備卒明日



皇帝親幸其第臨喪慟哭設奠還宮即令罷宴有司  
奏伏以百司告備六樂在庭睿聖至仁聞哀而罷是  
以顯君父愛慈之道勵臣子忠孝之心伏請宣付史  
館傳錄美實詔可天禧二年九月十一日宴近臣于  
長春殿餞河陽三城節度使張旻赴任以王旦在殯  
不舉樂嘉祐六年三月五日宰臣富弼母秦國太夫人  
薨十七日春宴禮院上言君臣父子家國均同元  
首股肱相濟成體貴賤雖異哀樂則同一人向隅滿  
堂嗟戚今宰臣新在苫塊欲乞罷春宴聲樂以表聖  
人憂恤大臣之意詔下并春宴寢罷

賜贈凡近臣及帶職事官薨死非詔葬者如有喪訃及  
遷葬皆賜賻贈鴻臚寺與入內內侍省以舊例取旨  
其嘗踐兩府或任近侍者多增其數絹自五百匹至  
五十匹錢自五十萬至五萬又賜羊酒有差其優者  
仍給米麥香燭自中書樞密而下至兩省五品三司  
三館職事內職軍校并執事禁近者亡歿及父母近  
親喪皆有贈賜宗室蕃功袒免乳母殤子及女出適  
者各有常數其特恩加賜者各以輕重為隆殺焉  
隆元年十月詔有死于矢石者人給絹三匹仍復其  
家三年長吏存撫之慶曆二年詔陣亡軍校無子孫



四百八十一  
者賜其家錢指揮使七萬副指揮使六萬軍使都夏  
副兵馬使副都頭五萬熙寧七年參酌舊制著為新  
式諸臣喪兩人以上各該支賜孝贈只就數多者給  
官與職各該賻贈者從多給差遣權并同權發遣而  
與正同諸兩府使相宣徽使并前任宰臣問疾或澆  
奠已賜不願救葬者并宗室不經澆奠支賜雖不係  
救葬並支賻贈餘但經問疾或澆奠支賜或救葬者  
更不支賻贈前兩府如澆奠只支賻贈仍加絹一百  
布一百羊酒米麩各一十諸支賜孝贈在京羊每口  
支錢一貫以折第二等絹充每匹折錢一貫三百文

餘支本色在外米支白秬米麩每石支小麥五斗酒  
支細色餘依價錢諸文臣卿監以上武臣元係諸司  
使以上分司致仕身亡者其賻贈並依見任官三分  
中給二限百日内經所在官司投狀召命官保關申  
限外不給待制觀察使以上更不召保元豐五年詔  
廊延路沒於王事有家屬見今在本路欲歸鄉者給  
賻外莫大使臣以上更支行李錢百千小使臣五十  
千差使殿侍三十千其餘比類支給紹興二十六年  
詔今後命官實因幹辦公事邂逅非理致死者並遵  
依舊法所有李光申請於紹興條內添注日限指軍



更不施行舊法非理致死者謂焚溺墜壓之類通失  
以上賜銀五百兩餘二百兩職司已上取旨初紹興  
二年五月吏部侍郎李光申明立定折跌骨五十餘  
日三十日內身亡之人並支前項銀數至是戶部  
郎宋貺言自立定日限後來多是因他病身故之人  
子孫規圖賞給計會所屬旋作差出名目陳乞保奏  
誠為欺罔故有是命

詔葬禮院例冊諸一品二品喪教備本品鹵簿送葬  
者以少牢贈祭於都城外加騂束帛深青三纁二諸  
重一品柱鬲六五品已上四六品已下二諸銘旌三

品已上長九尺五品已上八尺六品已上七尺皆書  
某官封姓之柩諸輜車三品已上油幟朱絲絡網施  
襪兩廂畫雲氣垂四旒蘇九品已上無旒蘇庶人鼈  
甲車無幟襪畫飾諸引披鐸妻挽歌三品已上四引  
四披六鐸六妻挽歌六行三十六人四品二引二披  
四鐸四妻挽歌者四行十六人五品六品挽歌八人  
七品八品挽歌六人六品九品謂非升朝者挽歌四人其持子  
披者皆布幘布深衣挽歌白練幘白練襟衣皆執鐸  
紼並鞵襪諸四品已上用方相七品已上用魁頭諸



四百八  
李  
京  
燾五品已上其竿長九尺已下五尺已上諸葬不  
以石為棺槨及石室其棺槨皆不得雕鏤彩畫施方  
牖檻棺內不得藏金寶珠玉又按會要勳戚大臣薨  
卒多命詔葬遣中使監護官給其費以表一時之  
凡凶儀皆有買道方相引竟車香蓋紙錢鵝毛影輿  
錦繡虛車大輿銘旌儀棺行幕各一挽歌十六其明  
器牀帳衣輿結綵牀皆不定數墳所有石羊虎望柱  
各二三品以上加石人二人入墳有當壙當野祖忌  
祖明地軸十二時神誌石券石鐵券各一殯前一日  
對靈柩及至墳所下車時官設敕祭畢葬官行禮熙寧

初又著新式頒于有司乾德六年三月中書令秦國  
公孟昶薨其母李氏繼亡命鴻臚卿范禹偁監護喪  
事仍詔禮官議定吉凶儀仗禮例以聞太常禮院言  
檢詳故事晉天福十二年葬故魏王周廣順元年葬  
故樞密使楊邠侍衛使史弘肇三司使王章例並用  
一品禮墓方圓九十步墳高一丈八尺明器九十事  
石作六事音身隊二十人當壙當野祖明祖思地軸  
十二時神蚊厨帳暖帳各一轎車一挽歌三十六人  
拂一燾一妻六轎卓竟車儀槨車買道車誌石車各  
一方相氏鵝毛燾銘旌香輿影輿蓋輿錢輿五穀輿



四百八  
酒醢輿木物輿庖牲輿各一黃白紙帳園宅象生  
物行幕并誌文挽歌詞啓攢啓奠祝文並請下有司  
脩製其儀太僕寺革輅兵部本品函簿儀仗太常寺  
本品鼓吹儀仗殿中省繖一曲蓋二朱漆團扇四白  
第道引出城量遠近各還贈玉一纁二贈祭少牢禮  
料亦請下光祿太府寺少府監諸司依禮供應又楚  
王母依子官一品例準令文外命婦一品侍近二人  
青衣六人偏扇方扇各十六行鄣三坐鄣二白銅飾  
犢車駕牛馭人四從人十六夾車從車六繖一大扇  
一團扇二戟六十伏緣久不施用如特賜施行即合

於孟昶吉凶仗內相參排列詔並令排列祇應仍俟  
導引至城外分半導至西京墳下及葬命供奉官周  
貽慶押奉議軍士二指揮防護至洛陽又賜子玄喆  
墳莊一區開寶四年建武軍節度使何繼筠卒詔遣  
中使護葬仍賜寶劍甲冑同葬咸平元年護國軍節  
度使駙馬都尉王承衍葬函簿鼓吹備而不作以在  
太宗大祥忌禁內也元豐五年崇信軍節度使垂余  
郡王宗旦薨聽以旌節牌印葬尋又詔不即隨葬者  
徒二年因而行用者罪之紹興二十四年太師清河  
郡王張俊葬上曰張俊極宣力與他將不同恩數務



四百六  
從優厚仍賜十梁額花冠貂蟬籠巾朝服一襲水金  
二百兩龍腦一百五十兩其後楊存中薨孝宗令諸  
寺院聲鐘仍賜水銀龍腦以歛熙寧新式先是知制誥曾  
布言竊以朝廷親睦九族故於死喪之際臨弔賻恤  
至於窳窳之具皆給於縣官又擇近臣專董其事所  
以深致其哀榮而盡其送終之禮近世使臣沿襲故  
常過取饋遺故私家之費徃徃倍於公上祥符中患  
其無節嘗詔有司定其數皇祐中又著之編敕令使  
臣所受無過五百朝服無過三百有違之者御史奏  
劾伏見比歲以來下府復循守其取之者不啻十倍於

著令乞取舊例裁之酌中之數以爲未式詔令大常  
禮院詳定令布裁定以聞嘉祐七年詔太宗正自今  
皇親之喪五年以上未葬者不以有日無尊親新喪並  
擇日葬之初龍圖閣直學士向傳志言故事皇親係  
節度使以上方許承凶營葬其卑幼喪皆隨葬之自  
慶曆八年後積十二年未葬者幾四百餘喪官司難  
於卒辦致濮王薨百日不及葬請自今兩宅遇有尊  
屬之喪不以官品爲限而葬之下判太宗正司大常  
禮儀院司天監議而有是詔元祐中又詔御史臺臣  
僚父母無故十年不葬即依條彈奏及令吏部候良



三百八十五个  
滿檢察尚有不葬父母即未得與關升磨勘如失檢  
察亦許彈奏

追封冊命通禮策贈真臣守宮於主人大門外設使  
副位使人公服從朝堂受策載於犢車各備鹵簿至  
主人之門降車使者稱有制主人降階稽顙內外皆  
哭讀冊訖主人拜送之國朝之制有於私第冊之者  
有於本道冊之者私第冊之者乾德三年正衙命使  
冊贈孟昶尚書令追封楚王是也本道冊者建隆元  
年故特進檢校太師南平王高保融奉敕贈太尉端  
拱元年故守太師尚書令鄧王錢俶特追封秦王是

也其儀與通禮大略相類不復錄

定謚王公及職事官三品以上薨

贈官

本家錄行狀

上尚書省考功移太常禮院議定博士撰議考功審

覆判都省集合省官叅議具上中書門下宰臣判準

始錄奏聞交付所司即考功錄牒以未華前賜其家

省官有異議者聽具議聞蘊德丘園聲實明著雖無

官爵亦奏賜謚曰先生太平興國八年詔增周公謚

法五十五字美謚七十一字為一百字平謚七字若

二十字惡謚十七字為三十字其沈約賀琛續廣謚

盡廢後以直史館胡旦言舊制文武官臣僚皆以功



行上下各賜謚法近朝以來遂成闕典建隆以後臣僚三品以上合賜謚者百餘人望令史館編錄行狀送禮官定謚付館脩入國史詔今後並令禮官取行狀定謚送考功詳覆關送史館永為定式直集賢院王暉言謚者行之表也善行有善謚惡行有惡謚蓋聞謚知行以為勸戒六典太常博士掌王公以下擬謚皆跡其功德為之褒貶近者臣僚薨卒雖官該擬謚其家自知父祖別無善政慮定謚之際斥其繆戾皆不請謚竊惟謚法自周公以來垂為不刊之典蓋以彰善癉惡激濁揚清使其身沒之後是非較然用

為勸懲今若任其遷避則為惡者肆志而不悛乞自今後不必候其請謚並令有司舉行如此則隱隱無行之人有所沮勸若頒行狀申乞方行擬謚考諸方冊別無明證惟衛公叔文子卒其子成請謚臣謂春秋之時禮壞樂闕公叔之卒有司不能明舉舊典故至將葬始請謚於君且周制太史掌小喪賜謚小史掌卿大夫之家賜謚請誄以此知有司之職自當舉行明矣詔下有司詳定如暉請焉禮院更議贈安軍節度使馬懷德已葬請謚乃言自古作謚皆在葬前唐開元三品以上將葬既啓殯告贈謚於柩前無



四百八  
贈者設啓奠即告謚既葬加謚出於唐時如顏杲卿  
盧奕盡忠王室當時置而不議至郭知運死五十餘  
年乃始請謚右司員外郎崔原以為非旌善之禮而  
太常博士獨孤及謂新制死不必有謚又謂有故闕  
禮追遠請謚順也及長於開元之世親聞啓奠告謚  
而為新制不必有謚豈非誣哉又有故闕禮追遠請  
謚皆違禮經何順之有國家給謚一用唐令然請謚  
之家例供尚書省官酒食撰議官又當有所贈遺故  
或闕而不請景祐四年宋綬建議令官給酒食其後  
又罷贈遺自此既葬請謚者其衆歲月浸久官闕行

跡士大夫所不能知子孫與其門生故吏志在虛美  
隱惡而有司據以加謚是廢聖人之法而徇唐庸有  
司之議也詔自今得謚者令葬前奏請或其家不請  
則尚書太常合議定謚前葬牒史館及付其家即徇  
私謚不以實論如選舉不以實法既葬請謚者不定  
謚

志卷第七十七



字一百十一个

公卷



